

Isipla wei long promotim bisnis bilong yu

GUTPELA KWALITI, GUTPELA PRAIS LONG PNG


Bisnis Kads | **K120** | **K175**

200 kads + takis
Printin tasol
Wanpla sait, ful kala 300 gsm pepa.

200 kads + takis
wantaim disain wok

Only at... **THEODIST LTD**
THE STATIONERY SUPERMARKET
Waigani Drive, POM | Markham Road, LAE
Php: 313 9900 / 7232 1300 | Php: 472 5488 / 7091 7854
sales@theodist.com.pg | saleslae@theodist.com.pg

KOLIM MIPLA NAO!



2015 Pasifik Gems
Poto insait - P8 na 21

Toua, Pini, Kari putim PNG long namba wan ples...

Bikpela salens namel long PNG na Nu Kaledonia nau

Stanley Nondol i raitim

TIM Nu Kaledonia (NCL) i kamap strong nau long Pasifik Gems na klostu bai daunim PNG i go daun long namba tu ples long ol medal.

NU Kaledonia nau i sanap long namba tu ples bihain long PNG wantaim 44 gol na PNG go pas long 50. Ol i nidim 6-pela moa gol long daunim PNG. Planti pilai i stap yet na dispela namba bilong ol medal bai senis.

PNG i pret pinis. Sapos ol i no winim sampela moa gol long ol sampela liklik pila i stap yet na Nu Kaledonia i winim sampela moa gol, ol i ken daunim PNG.

PNG i stap namba wan ples long gol medal long de wan bilong pilai. Na Nu Kaledonia i wok long kam strong na wok long winim planti silva na brons long ol planti pilai.

Sapos Ryan Pini i no winim 7-pela gol, bai PNG i stap long namba tu ples. Na

sapos Ryan Pini i risain na lusim swimming bai lukim PNG i mekim bikpela hat-wok long kisim moa gol na stap namba wan ples long 2019 Pasifik Gems.

Na tu, sapos tripela Hanuabada, Steven kari, Thelma Toua na Dika Toua i no winim 7-pela gol bai lukim 7 kam daun. Thelma winim gol, Toua 1 gol, na Steven 3 gol.

PNG bai no inap stap long namba wan ples sapos total bilong 17 gol i no kam long 4-pela etlit tasol. Pini, Kari, Toua na Thelma.

Sapos PNG i strong yet na winim moa gol long ol pilai stap yet bai go pas long Pasifik na Nu Kaledonia i bai stap long namba tu ples. Tim Frans Polinesia-Tahaiti nau i stap long namba tri ples na ol i nidim moa long 10-pela gol medal long daunim Nu Kaledonia na kisim namba tu ples.

Ol sampela pilai i stap yet em; boksen, golp, lon bouls, kriket, taekwando, netbal,

hoki, tenis, skwas, soka, volibal, sofbal, na etli-tiks hap maraton na trek na fil iven.

Long narapela stori, Australia na Nu Silan (NZ) i pilai insait long Pasifik Gems long namba wan taim. Australia i kisim liklik namba bilong ol pilai i kam tasol ol i wok long win maski em i silva, brons o gol na ol i stap long namba 6 ples bihain long Samoa. Nu Silan i stap long 18 ples.

PNG na Nu Kaledonia wantaim i wok long winim gol, silva na brons yet na sampela i kam klostu klostu, Yumi lukim sampela pilai stap yet long husat bai kisim namba wan ples long 2015 Pasifik Gems.

OL WINA MERI: Tripela wina bilong 800 mita etletiks long Tunde 14 Julai- Gol wina long namba wan ples em Donna Koniell (PNG), Jenny Albert i kamap namba tu na i winim silva (PNG) na Solenne Kerleguer bilong Nu Kaledonia i kamap namba tri ples na i winim brons medol. Ol i resis tasol ol i poro yet long pasin tru bilong ol, WAN SOLWARA bilong Pasifik!
Poto: Nicky Bernard.



Pacific Games specials

Share your games experience with the world. Upload pictures, make int'l calls and talk to your mates as much as you like.

K30 Pacific Games bundle Valid for 7 days

K70 Pacific Games bundle Valid for 7 days

Learn more: Send **GAMES** to 1655 or call us on 76003555.

support@bmobile.com.pg | www.bmobile.com.pg

bmobile | vodafone

Mobile communications provider for 2015 Pacific Games.

PNG i go pas long medal tali

Esther Bralyn Wani i raitim

PAPUA Niugini i go pas long winim ol medol namel long 24 Pasifik Ailan kantri long dispela bikpela pilai – namba 15 Pasifik Gems we i stap long las wik bilong en long Pot Mosbi.

Planti bilong ol pilai i winim gol pinis bilong Papua Niugini long mak bilong 46 gol. Ol i go pas long medal tali wantaim Nu Kaledonia i kamap namba tu we bai i bungim PNG klostu sapos PNG i no pilai strong.

Nu Kaledonia i bin winim

12-pela Pasifik Gem insait long 14 Gem taim Saut Pasifik Gems i bin stat long 1963.

Sapos PNG i laik winim 15 Pasifik Gems ol i mas pilai strong long winim rekot bilong Nu Kaledonia long 2011 taim ol i bin winim 120 gol, 107 silva, 61 brons i bin givim total olsem 288 we i lukim win bilong ol.

Taim Pasifik Gems i pinis, planti bilong ol pilai long PNG bai go bek long ol hap ol i save mekim trening bilong ol, sampela bai ol kampani i go het long sposa long ol tasol planti bilong ol etlit bai i

go bek long strit long wanem ol i no gat wok o ol i no skol.

Long wankain taim, dispela K20, 000 inisitiv we gavman bai givim long husat i winim gol em i gutpela tingting long ol bai pilai strong long winim gol tasol wanem bai kamap long ol dispela i traim hat tasol ol i no win.

Tim PNG i tokaut long midia konpresn olsem 90 pesen bilong ol etlit long Papua Niugini i no gat wok na planti ol pilai i save stap long ol setelmen na long ol strit.

Wanem samting bai kamap long ol dispela 90 pesen bi-

long ol etlit taim Gems i pinis em bikpela wari i stap long tingting bilong wan wan pilai.

Kepten bilong ol man Tas tim, Eugene Eka, i tok olsem em wantaim narapela pilai i save wok tasol ol narapela ol mangi i no save wok.

Mista Eka i tok planti bilong ol mangi i save stap long Sabama na Kaugere setelmen long Pot Mosbi.

Em i tok moa olsem taim ol laik go long trening ol papamama o ol wantok bilong ol i save sapotim ol long ol bas fe tasol ol i pilai yet bikos ol i save laik pilai ragbi tas.

Foapela Pipols Maikro Benk brens bai kamap long 2015

Nesenel Developmen Benk bai wokim 4-pela nupela brens bilong Pipols Maikro Benk long mekim isi long ol grasrut na olgeta pipel long kantri long opim akaun na yusim ol benk sevis we em i isi long kisim helpim na wok bisnis.

Menesing Dairekta bilong NDB Moses Liu i tok gavman i givim mani pinis na plen i stap pinis na NDB bai stat long sanapim 4-pela nupela brens long klostu long pinis bilong 2015.

Minista bilong Tred, Komes na Industri, Richard Maru i tok moa long 2 milien pipel bilong Papua Niugini i no gat K2 long wanpela wik na bikpela namba bilong ol pipel i no gat benk akaun na planti i no save long sevim mani long bihain taim.

Minista Maru i tok ol komesel benk long kantri i save givim taim long ol liklik man na meri bilong PNG husat i laik opim benk akaun. Na tu ol i sasim

planti fi tumas long ol kastoma.

Em i tok Pipols Maikro Benk em bilong ol pipel long ples na ol liklik manmeri long opim akaun, sevim mani na wokim liklik bisnis na groim na tekova long ol bisnis nau ol ausait lain i mekim na ol PNG i kamap kastoma.

Minista Maru i tok wan wan provins bai i gat brens bilong Pipols Maikro Benk long pinis bilong 2017.

Gavman long dispela yia i givim K130 milien long sapotim wok bilong Nesenel Developmen Benk (NDB). Minista Maru i tok PNG gavman bai givim moa mani long 2016 baset long sapotim wok bilong NDB na em i singaut long ol pipel long stat sevim mani na wok bisnis.

NDB, bosman Moses Liu, i tok wok konstraksen long maikro benk brens long Mendri na Kundiawa bai lukim tenda bai kamap long pinis bilong dispela mun. - **Stanley Nondol**

LNG mani tasol i no inap sapotim ikonomi

FAINENS Minista James Marape i tok mani Nesenel Gavman bai kisim long PNG LNG Projek tasol bai i no inap long sapotim ikonomi bilong kantri.

Planti manmeri i ting PNG LNG Projek, we biknem Amerika kampani ExxonMobil i ranim long mani mak K43 bilien, bai kirapim dispela kantri, tasol toktok bilong Minista Marape i mekim ol manmeri tingting planti.

Marape i tok PNG LNG Projek i ken sapotim nesanel baset wantaim 20 pesen bilong total mani mak bilong baset.

"Dispela i soim olsem Nesenel Gavman mas kirapim egrikalsa na turis bisnis bilong kantri. LNG tasol bai i no inap long sapotim nesanel baset bikos liklik moa long 20 pesen mani tasol bai kam long mani we Nesenel Gavman bai kisim long LNG,"Minista Marape i tok.

Marape i bin mekim dispela tok tok long wanpela bung we Yuni-versiti ov Papua Niugini (UPNG) i bin go pas long en i no long taim tasol.

"Gavman mas stretim egrikalsa sekta na kirapim turis bisnis long PNG. Wanpela taim, LNG bai pinis. Tasol egrikalsa and turis bisnis i ken stap yet na sapotim ikonomi bilong PNG,"Marape i tok.

Vais-Sansela bilong UPNG Profesa Albert Mellam i tok mani gavman bai kisim long PNG LNG Projek i ken kirapim PNG sapos gavman i baset na yusim gut long givim sevis long pipel.

Profesa Mellam i tokaut tu olsem em i bin makim maus bilong PNG Gavman long stretim toktok wantaim ol projek developa long kamapim dispela wol klas ges projek.

Long lukluk bilong em, Profesa Mellam i tok PNG LNG Projek mani



LNG tenka 'Papua' em i wanpela bikpela sip bilong kisim PNG LNG kago i go long Saina, Japan na Taiwan.

i ken kirapim dispela kantri sapos Gavman i kamapim Sovren Welt Fan (SWF) na yusim mani gut.

"Em i bikpela ges projek tru. Tasol yumi mas yusim gut mani bai yumi kisim long dispela projek,"Prof Mellam i tok.

Wankain taim, namba tu LNG projek long Galp provins bai kamap klostu taim tasol. Gavman i makim wanpela kampani bilong kantri

Frens long operetim dispela namba tu wol klas ges projek we ol bai kolim Papua LNG Projek.

Pastaim tru InterOil i bin tingting long operetim dispela LNG Projek aninit long nem Gulf LNG Projek. Total SA bai go pas long kirapim Elk-Antelop ges fil. Ol projek patna bilong Total SA em i InterOil Corp na Oil Search.

Praim Minista Peter O'Neill i tok

refaineri na LNG plen sait bilong Papua LNG Projek bai kamap klostu long Papa Lealea, Sentral Provins.

Ol projek patna bilong Papua LNG Projek bai pulim ges i kam olgeta long Elk-Antelop ges fil long Galp Provins na tanim dispela ges i kamap wara long plent sait ol i bai sanapim klostu long refaineri bilong PNG LNG Projek.

Yumi PNG yumi ol Kristen manmeri. Yumi gat pasin bilong laikim na halivim ol lain istap long hevi. Yumi mas welkamim ol refugees na larim ol stap wantaim yumi.

REFUGEES

LAIKIM HALIVIM BILONG YUMI

PNG ken halivim ol refugees long painim gutpela sindaun wankain olsem ol narapela kantri imekim.

Toksave ikam long Gavman bilong Papua New Guinea.

Tenkyu Tru
long halivim mipela

Nem: Chris Waromi
Asples: Papua, Indonesia
Wok: Student

PW027053a PNG

Royel welkam

GAVANA Jenerel bilong Papua Niugini Gren Sif Michael Ogio wantaim Ledi Ogio i go long wanpela royel welkam lansen o kaikai long las wik Fonde.

Ol nobel o ol famili bilong king bilong Kingdom ov Tonga long Nuku'alofa, kapitol bilong Tonga i go pas long kaikai.

Dispela kaikai i bin kamap long nambis ausait long haus bilong King ol i save kolim Pangai II. Ol bikman na meri i kaikai ol kaikai bilong Tonga i bin gat mit bilong pik, ol gris taro lip na kokonas sup.

Bihain long dispela welkam ol skul na ol kolis sumatin i putim ol bilas biilong ples na danis long soim ol kain kain kalsa bilong Kingdom ov Tonga.

King Tupou VI na Kwin Nanaisipau'u i invaitim Gavana Jenerel wantaim Ledi Ogio long wanpela 30 minit praivet bung long haus bilong King.

Gavana Jenerel i bungim tu memba bilong royel famili long welkam seremoni na bikman na meri soim bikpela intres long ikonik developmen long Papua Niugini na i tokaut long raun kam long PNG long bihain taim.



Ol sumatin long Tonga i danis na soim kalsa bilong ol long Gavana Jenerel Sir Michael Ogio wantaim Ledi Ogio na ol narapela bikman na meri.

BSP i baim Westpac long tripela Pasifik Ailan kantri

SIAMAN bilong BSP, Sir Kostas Constantinou i tokaut olsem ol i baim olgeta ol Westpac Benk long Samoa, Tonga na Cook Ailan long AUD\$91 milien.

BSP i tokaut olsem em i go insait long wanpela agrimen long baim operesen bilong Westpac long ol tripela kantri.

Hevi bilong Saiklon Pam long Vanuatu i mekim na ol i no inap baim Westpac brens long dispela taim. Saiklon Pam i bagarapim Vanuatu long wanpela mun bihain long ol i salim.

Long wankain taim, Westpac long Samoa Ailan bai i no inap salim long dispela taim. BSP na Westpac i go het long toktok wantaim Sentral Benk bilong Solomon Ailan bai ol i ken kisim ol stetuteri, reguletori na tok orait long namba 3 pati.

Menesa Dairekta na Sif Eksekutiv Opisa (CEO), Robin Fleming i amamas na tok, "Dispela trensekse i bikpela samting stret i kamap long Papua Niugini Benk. BSP i save stap wantaim ol pipel na ol komyuniti ol i save wok long en.

"Dispela em i spesel taim long wanem sampela ol wantok long ol Pasifik Ailan spotsman na meri i stap long 2015 Pasifik Gems long Pot Mosbi, we BSP i amamas long kamap opisel sponsa.

BSP baim bek sea

Benk ov Saut Pasifik (BSP) i wok long baim bek ol sea bilong seaholda o manmeri husat i bin baim sea bilong BSP.

Siaman bilong BSP, Sir Kostas Constantinou, i tok BSP i nau yet wok long baim bek ol sea bilong investa na dispela sea baim bek program bai lukim BSP yet i kisim bek ol sea em i bin salim i go aut long ol manmeri o investa.

Sir Kostas i tok bod na menesmen bilong BSP i wanbel long larim dispela baim bek program i go het long larim BSP i gat moa mani long sanapim nupela brens long ol arapela kantri insait long Pasifik rijon.

Aninit long dispela program, BSP bai larim ol seaholda o manmeri husat i gat sea long BSP long salim gen long BSP moa long 5000 sea bilong ol.

Sir Kostas i tok dispela bai larim BSP i kisim bek moa mani long inapim em long sanapim nupela brens bilong en long faivpela kantri insait long Pasifik rijon.

Long mun Januari long Odispela yia, BSP na Westpac benk i bin sainim wanpela agrimen long larim BSP baim aut ol brens bilong Westpac benk long Tonga, Samoa, Cook Ailans, Vanuatu na Solomon Ailans long K249.6 milien.

Sir Kostas i tok BSP i baim pinis olgeta brens bilong Westpac long Samoa. I no longtaim, BSP bai baim olgeta brens bilong Westpac long Vanuatu na Solomon Ailans.

Nau yet, BSP i wetim Sentral Benk bilong Solomon Ailan na Vanuatu long stretim ol sampela liklik pepa wok.

Na tu BSP i larim Vanuatu gavman long stretim sindaun bilong manmeri bihain long strongpela win o saiklon i bin bagarapim laip na ol samting bilong ol.

Menesing dairekta na CEO bilong BSP, Robin Fleming i tok em i amamas tru long lukim olsem dispela benk bilong PNG em i wok long groa na i no long taim em bai gat brens long olgeta hap bilong Pasifik rijon.

GAME ON!

"I am always in the fast lane with **BSP's Mobile Banking** I can use it anywhere on the run!"

Toea Wisil, PNG Sprint Champion and BSP Brand Ambassador

- Top Up Mobile Phone Credit** and keep in touch during the Games.
- Send Money via Wantok Moni** to wantoks even if they don't have a bank account.
- Transfer Funds** to family and friends anytime even while supporting PNG.
- Buy EasiPay** to Top Up electricity units and tune in to watch the Games.

mobile banking Anytime, Anywhere!

Be smart and fast, like Toea. **REGISTER NOW** for Mobile Banking!

320 1212 / 7030 1212 - 24/7
 servicebsp@bsp.com.pg
 www.bsp.com.pg



Maritim sekyuriti wok i strong long PNG

SAPOT bilong eriel seveilens insait long Papua Niugini- Australia Difens Kopresen Program i strongim maritim sekyuriti efot bilong PNG.

King Air B200 balus bilong Tropic Air i joinim tupela HMPNG Sip Rabaul na Seader long taim bilong PNG Difens Fos Maritim Elemen Operesen long helpim Maritim Seveilens na enfosmen long Eksklusiv Ikonmik Jon (EEZ) bilong PNG.

Dispela balus i ran i go long Not bilong Madang, Wewak, na Not- Not Is bilong Nu Ailan insait long tupela wik.

Long taim bilong patrol, balus i soim rot long HMPNGSR long holim tupela sip ol i saspek long en. Ol i kisim i go long Kavieng na putim long han bilong Nesenel Fiseris Atoriti.

Opisa bilong Sas long Nesenel Seveilens Kodinesen Senta (NSCC), Buna Mwatape, i tok, "Ea seveilen

i pait yet long was long solwara bilong PNG, na em i bikipela samting insait long kantri we mipela bai lukluk gut na stretim.

Het man bilong Australian Difens Staf, Col Dick Parker i tok, "Mipela i amamas long sapotim PNGDF long wokim bikipela operesen long lukautim ikonomi na kantri. Mipela bai givim bikipela sapot yet long Maritim Sekyuriti Efort bilong PNG taim mipela i wok bung wantaim long rijonal.

Pawa blekaut i katim wara

WARA PNG Bisnis senta (WPNGBS) i save saplaim wara long Mt. Hagen siti, Westen Hailans Provins, i tok, pawa blekaut olgeta taim i katim wara.

Menesa bilong WPNGBS long Mt. Hagen, Eluid Mayarom, i tok, "Jenereta bilong pamim wara i wok foapela aua antap long nomol taim em i save wok na i bagarap bikos pawa i blekaut longpela taim.

"WPNG i no putim ol bikipela wara tang long putim wara na i save wok long dairek pam, bikos i gat planti hevi i kamap wantaim ol papa graun long hap bilong putim pam."

Em i tok moa olsem Operesen Menesa bilong WPNG, Kenneth



Mista Billy Imar, Sif Opereting Opisa bilong WPNG.

Zale, i raun nau long stretim olgeta jenereta antap long Hailans rijon.


"Ol kastoma long Hagen bai bungim taim nogut, long pawa i

blekaut, bikos wara na pawa i save wok bung wantaim long givim gut sevis," Mayarom i tok. WPNG i wok yet long putim nupela wara tang long Hagen eria. Insait long dispela taim, WPNG bai redim sten-bai jenereta bilong givim pawa long pamim wara i go long olgeta hap long Hagen taun long taim bilong blekaut.

Mista Mayarom i tok, "Mipela i ringim ol wokman long PNG. Pawa Opis long dispela hevi tasol ol i no tokaut long mipela olsem ol bai stretim dispela hevi kwik taim."

Long wankain taim, Sif Opereting Opisa bilong WPNG, Billy Imar i tok, "Ol kastoma bilong mipela long Hagen bai painim taim long kisim wara. Mipela i laikim ol kastoma bilong mipela i yusim wara gut."

GG i kamap long Tonga



Government House Photo

Gavana Jenerel Gren Sif, Sir Michael Ogio wantaim Ledi Ogio long Kindom ov Tonga wantaim Praim Minista Bilong Tonga, Samiuela Akilisi Pohiva.

GAVANA Jenerel bilong Papua Niugini Gren Sif Sir Michael Ogio na Ledi Esmie Ogio i kamap long Tonga long las mun.

Praim Minista bilong Tonga, Samiuela Akilisi Pohiva i bungim tupela taim ol i go kamap.

Praim Minista Pohiva i tok tenkyu long Gavana Jenerel long tok orait long askim ol long go stap wantaim ol long koronesen bilong King Tupou VI long Julai 4.

Praim Minista bilong Tonga i tok olsem PNG i kamapim nem bilong en long rijon na em i go pas long stretim ol hevi long Pasifik rijon. Em i tok Tonga olsem ol narapela

Pasifik Ailan kantri i save lukluk long PNG na Fiji long lidasip na helpim long ikonomik sait tu.

Em i tok moa olsem PNG i bin helpim Tonga planti long mani na bai ol i amamas long dispela.

Gren Sif Sir Michael i tok, 'PNG olsem 'bikipela brata' long rijon, i amamas long helpim ol narapela Pasifik Ailan kantri na tu long strongim poroman insait long ol ailan kantri na long wol tu.

Gavana Jenerel na Praim Minista bilong Tonga i toktok long ol hevi olsem klaimet senis na kisim Wes Papua long Melanesien Spiahet Grup (MSG) na long ol narapela samting.

Ilektoral Komisnin i skruim taim bilong bai ileksen

ILEKTORAL Komisnin (EC) i skruim taim bilong tromoi vot long bai-ileksen bilong Wes Sepik Provinsal sit na Goilala Open sit.

Ol i bin makim las wik Sarere 11 Julai long vot i stat tasol, Wes Sepik i stat vot long Mande 13 Julai.

Ol pipel bilong Goilala i stat vot asde, Trinde 15 Julai, bikos ples i longwe na i gat planti maunten na ol i kisim ol 195 poling opisa i go long Tunde 14 Julai.

Ilektoral Komisina Sir Andrew Trawen i tok, "Dispela bai no inap long aburusim de bilong pinisim vot. Taim bilong vot bai pinis long Julai 24, bikos EC i wok gut na tupela hap wantaim i stat vot pinis."

Long Wes Sepik, ol wokman husat i wok long hap bilong vot i stat redim ol ples bilong vot long Mande.

"Mipela i salim 397 polis i go stap wasman bilong ol poling tim,

na distrik hetkwata tu i redim sampela moa wasman. Ol dispela wasman i stat wok long las wik na bai pinis long Julai 24.

"Mipela i yusim balus CASA bilong Papua Niugini Difens Fos (PNGDF) long karim ol poling tim na sekyuriti i go long Telefomin distrik, long wanem, i no gat rot bilong kar na mi tok tenkyu long PNGDF," Trawen i tok.

EC i givim mani bilong ol poling tim na sekyuriti pastaim long ol i go long ol wan wan hap bilong vot.

I gat 13 kendidet i resis long Wes Sepik Provinsal sit we kot i bin rausim 2012 ileksen win bilong Amkat Mai, bikos long sampela asua i bin kamap.

Long Goilala open bai-ileksen, EC i stat kisim trening long ol poling opisa bilong Guari na Tapini Lokal Level Gavman (LLG) long las wik Trinde na pinis long Fonde.

Ol i salim 120 polis long Sentral Provins i long Goilala.


Trening bilong ol poling opisa bilong Waitape LLG i stat bihain bikos ol i wetim mani bilong ol buk bilong kisim trening.

I gat 33 kendidet i resis long Goilala Open long sit.

"Treseri Dipatmen i givim K2.5 milien long WSP na K2.5 milien long Goilala Open pinis. Long las wik Trinde, Treseri Dipatmen i givim K9.6 milien we em i stap yet wantaim ol.

"Baset bilong tupela bai-ileksen em i K14.6 milien, we WSP i kisim K10.6 milien na Goilala i kisim K4 milien. Dispela mani bai givim moa strong long PNGEC long lukautim dispela bai-ileksen gut," EC i tok.

"Mi tok tenkyu long Treseri Dipatmen long givim dispela mani bilong bai-ileksen kwik taim," Trawen i tok.



OL YUT KLINIM SITI: Ol Eben Yut Dvelopment Grup i raun klinim ol sabab long Pot Mosbi bipo long gems i kamap. Hia ol yangpela yut i klinim Rainbow Estet na sanap malolo ananit long diwai mango. Eben Yut Dvelopment Grup i stap long lukaut bilong NCDC. Gutpela wok tru ol i mekim.



PIH Saveman *Nius*

"I kam long Pacific International Hospital Port Moresby"

Ph: 311 3000 and 799 88000 Textline 7155 8866 Website: www.pih.com.pg

Congrats to PIH Cath Lab

About to end a successful week at the Cath lab of the Pacific International Hospital this July 7 to 11, Dr. Vineet Sankala, who finished six angiograms and two angioplasties, took time-out for an interview with this reporter.

Dr. Vineet is personally known by two of the veteran PIH doctors, and when they had told him that PIH was planning to put-up a Cath Lab, Dr. Vineet was very excited to know more about it. As Dr. Vineet explained, "I was excited because this was the first Cath Lab to be stationed in Papua New Guinea, and naturally when any facility comes as the first of its kind in a country, there is an anticipation as it is a challenge to set-up a new department...that's why for me I felt it was a good opportunity."

And when it comes to the patients, Dr. Vineet emphasized that he felt that "there is a huge chunk of patients here who require advanced cardiac treatments... government should come up with certain plans, so that even the poor patients can also be treated... but yes, these kind of treatments should be available to each strata of patients in a country." Dr. Vineet said that he felt that it was ideal that there be a Cath Lab in every major city. Of course, relatively speaking, this point of view is from a very large country where there are many metropolises with millions of people in each one...

Back home in India, Dr. Vineet noted that a typical "day in the office" for him would be to do 5 or 6 procedures. And it would be considered a very "busy day" if it reaches 8 to 9 procedures to do in a day. Being part of a team of two alternating doctors who visit PNG regularly, the other being Dr. Richard Chan, Dr. Vineet noted that Dr. Richard Chan's experience just a week before of implanting six stents in the heart of one patient was quite an achievement, noting "this can be very challenging, im-



Confirmed by Dr. Vineet to be a par with the worlds's best, the Cath Lab of PIH has now done over 50 angiograms, and can lay claim to a 6-stent angioplasty, which is a rare achievement.

planting six stents is not very common during angioplasty as it requires a lot of patience, a lot of concentration, and a lot of time to implant 6, though, yes, we have seen in the recent times more stents being implanted... normally in Angioplasty we implant 1 or 2 stents, 6 is definitely not so common

Dr. Vineet and Dr. Chan may be coming in and out, but, their entire support staff and team of highly-trained specialists to back them up are all permanently based in PNG. They are led by the head of Cardiology, Dr. OP Sharma, who as of this writing has already successfully done open heart surgery, the coronary artery bypass graft, for four patients, all of whom are now so joyous to have a new lease on life. Dr. OP Sharma is the chief cardio-thoracic and vascular surgeon, and also serves as PIH's Medical Director.

Dr. Vineet corrected this writer's view of using the word "balloon" to describe Angioplasty, as the modern-day stents are now very different compared to the balloons used before in what can be termed as "balloon angioplasty". As described

in previous articles, Angioplasty is described as the implanting with the use of a special catheter-a stent in the artery of a patient that has a blockage. This is done in a non-invasive way, Were the patient is not "opened up" surgically, unlike in open heart surgery. The stent would then serve to help relieve the blockage, easing the flow of blood which otherwise if untreated would have been congested and slowly fully blocked.

{Just to reiterate what was mentioned before, if the blockage is 100% or close to 100%, then the case becomes one for open heart surgery, and not for angioplasty}

How close to cutting edge is the Cath Lab at PIH? "The Cath Lab which has been implanted at the Pacific International Hospital is one of the best level of Cath Labs in the world, and in fact we have the same Cath Lab back home, and that was four years before, and this Cath Lab in PIH is even the newer type... the quality of this Cath Lab is perfectly fine, and it is equal to most of the Cath Labs in the major centers of the world"

But prior to getting to the level of having to go to a Cath Lab, Dr. Vi-

neet explains "The signs or symptoms that the ordinary layman should suspect might be a heart problem is that anybody who gets a chest pain after 40 years of age should always go to a doctor, and an ECG should be taken to check potentially for a ischemic heart disease or cardiac disease is not mixed up... anybody who is developing

breathlessness or hard of breathing should go to a doctor for a routine check-up... other signs and symptoms are if there are risk factors, and if there is a family history of heart disease, or if they have certain symptoms like loss of consciousness, breathlessness, chest pain, these are the typical signs & symptoms" Dr. Vineet emphasized several times the bad effects of smoking, as one risk factor.

Discussing further about how the initial investigations could be utilized, Dr. Vineet said, "the most basic investigations are the electrocardiogram, and the echo-cardiogram, so the echo-cardiogram is essentially the sonography of the heart, so the ECG is essential in diagnosing any heart disease, then there are certain blood tests which determine if there is any heart damage or not. So, by doing an ECG, by doing an Echo, by doing blood tests, and by doing a treadmill, that is a stress test, we can come to a conclusion whether or not a patient in suffering from heart problems or not... the basic investigations, ECG, Echo, blood test, and stress test, these are the very important

tests"

The good doctor emphasized that usually the investigations "most of the time they do not vary," when asked if the tests could give contradictory or conflicting findings... and going to the "gold standard" in heart diagnosis, the Angiography, he says "it is the final authority in confirming ischemic heart disease...how many arteries are involved, if it is a single vessel disease or double vessel or triple vessel disease... Echo and ECG will tell you there is a problem, but what exactly is the problem, how many arteries are involved, can only be confirmed with angiography only"

The approximate cost at Pacific International Hospital for an angiography is about 10,000 Kina. It is what is needed prior to the cardiac team determining if the patient would need an Angioplasty or open heart surgery. It shows where exactly those stents should be placed in the arteries of one's heart, or how the open heart cardiac bypass graft should be placed to develop that alternate "passage way" for the blood.

Dr. Vineet qualified that angiography is very safe for the patients, and that there is very little risk to the patient.

Definitely this real-time X-ray video that shows how your heart performs is a big development to have within PNG, as in the past patients had to fly abroad and spend about 25,000 Kina just to get an angiogram.

To date, over 50 patients have already undergone an angiogram at the new Pacific International Hospital Cath Lab. And of these, 4 have already gone on to have the complex open heart surgery of coronary bypass artery graft, and are now doing fine with that new lease on life. Not to forget, a number have had stents implanted through Angioplasty, including that achievement recently of six stents in one heart!

For inquiries, text to 7155 8866.



Now in PNG..the country's first Retina Surgeon

3-Mile Specialty Clinics, 3-Mile Hill, Taurama Road, Port Moresby

Advance Equipment for better diagnosis:

- OCT (Optical Coherence Tomography) to study optic nerve and retina.
- FA (Fluorescein retinal Angiography for diabetic and other retinal vascular diseases)
- A/B Scan (Eye Ultrasound) for more precise diagnosis of posterior segment of the eye
- AUTO R/K Automated Refraction and Keratometry

Procedures for better outcome:

- RETINA LASER for diabetic and other retinopathies
- YAG LASER capsulotomy (for after cataract haze)
- Cryotherapy (cryo-treatment)
- Intravitreal injection for Diabetes

Tel. 311-3000
email:
pihopd@gmail.com
text to 7155-8866



Foapela Pipols Maikro Benk brens bai kamap long 2015

Stanley Nondol i raitim

Nesanel Developmen Benk bai wokim 4-pela nupela brens bilong Pipols Maikro Benk long mekim isi long ol grasrut na olgeta pipel long kantri long opim akaun na yusim ol benk sevis we em i isi long kisim helpim na wok bisnis.

Menesing Dairekta bilong NDB Moses Liu i tok gavman i givim mani pinis na plen i stap pinis na NDB bai stat long sanapim 4-pela nupela brens long klostu long pinis

bilong 2015.

Minista bilong Tred, Komes na Indastri, Richard Maru i tok moa long 2 milien pipel bilong Papua Niugini i no gat K2 long wanpela wik na bikpela namba bilong ol pipel i no gat benk akaun na planti i no save long sevim mani long bihain taim.

Minista Maru i tok ol komesel benk long kantri i save givim taim long ol liklik man na meri bilong PNG husat i laik opim benk akaun. Na tu ol i sasim planti fi tumas long ol kastoma.

Em i tok Pipols Maikro Benk em bilong ol pipel long ples na ol liklik manmeri long opim akaun, sevim mani na wokim liklik bisnis na groim na tekova long ol bisnis nau ol ausait lain i mekim na ol PNG i kamap kastoma.

Minista Maru i tok wan wan provins bai i gat brens bilong Pipols Maikro Benk long pinis bilong 2017.

Gavman long dispela yia i givim K130 milien long sapatim wok bilong Nesanel Developmen Benk (NDB). Minista Maru i tok PNG

gavman bai givim moa mani long 2016 baset long sapatim wok bilong NDB na em i singaut long ol pipel long stat sevim mani na wok bisnis.

NDB, bosman Moses Liu, i tok wok konstraksen long maikro benk brens long Mendi na Kundiawa bai lukim tenda bai kamap long pinis bilong dispela mun. Ol wok konstraksen bai pinis long neks yia na NDB bai wokim 4-pela nupela brens long 4-pela provins. Em i tok long 2017 olgeta provins bai gat wan wan brens.

Em i isi long opim wanpela akaun long Pipols Maikro Benk. Yu ken opim akaun wantaim K10 na i no gat ol arapela fi olsem sevis fi, deposit fi na widtro fi em ol komesel benk i save sasim. Dispela K10 bilong opim akaun bai stap yet na benk bai no inap rausim.

Minista Maru i singaut long ol pipel bilong Papua Niugini long stat sevim mani na kirapim bisnis. Em i tok gavman i putim mani na i redi long helpim ol pipel long groim bisnis na kamapim bisnis ol ausait lain i go pas long en nau.

PNG i ken groim nambawan swit muli

PAPUA Niugini i ken groim nambawan swit muli o orens long wol na winim ol arapela kantri i gat nem long groim muli. Wanpela saveman bilong otikalasa husat i bin go pas long planti wok bilong planim ol prut diwai na i mekim planti wok long egrikalsa 1980 i mekim dispela tok.

Tevo Tarepe husat i bin wok long Dipatmen bilong Egriklasa na Laipstok (NDAL) i ritai na nau na i stap long Okiufa lostu long Goroka. Em i tokim ol sitrus groa long wanpela miting bilong ol las mun olsem ol fama bilong sitrus i wok gut sapos ol i mekim ol liklik wok i kamap orait.

Mista Tarepe i tokim ol groa olsem em i sori long harim olsem ol fama i bungim hevi bilong maket

bikos kwaliti bilong lokel muli em i daunbilo.

Em i tokim ol fama olsem em i isi long kirapim laik bilong ol pipel long baim sapos ol i kisim rait samting bilong planim long wanpela setified neseri. Em i tokim ol fama olsem ol i mas lukluk gut na kisim ol rutstok o ol samting bilong plantim muli. Sapos ol i no bihainim stret, hatwok bilong ol bai no inap karim gutpela kaikai.

Mista Tarepe i tok ol rutstok em i kisim i kam long Kalifonia long USA wantaim ol jiofam o ol samting bilong planim o lukim, i stap yet long NDAL fam long Menifo.

Em i tok long taim bilong em long 1980 samting, ol i developim wanpela muli ol i kolim APO 1 i kam

long Wasington na ol saintis i testim na em bin namba wan na i gat nem long wol.

Mista Tarepe i tok muli i ken gro gut long ol sampela hap bilong Isten Hailans na Aviamp long Anglimp Saut Whagi, Jiwaka provins, bikos graun, klaimet na ples i orait long muli i gro gut.

Em i singaut long ol fama long wok bung wantaim Fres Produs Developmen Ejensi (FPDA), NDAL na ol arapela han bilong gavman olsem NARI na NAQIA long lukluk long ol sampela hevi bilong ol.

Ol senia opisa bilong NDAL, na NFPA husat i stap long dispela miting bilong ol fama wantaim ekting dairekta bilong Hailans Rijen (NDAL), John Jave i tokim ol fama



Swit muli long ples Okiufa long Isten Hailans.

olsem ol opis bilong ol bai wok wantaim NARI, na NAQIA na ol arapela lain long helpim ol fama.

Mista Jave ol gavman ejensi olsem NDAL i no gat inap mani na risos long stretim ol hevi bilong ol fama tasol NDAL nau i save long dispela hevi long dispela miting na bai go lukluk raun long ol fama long

ples. Em i tok NDAL i go pinis long Lowa Bena Bena na i bin kamapim wanpela woksop bilong ol fama. Em i tok NDAL tu i go long wanpela bikpela ples bilong groim muli long Kefamo long Isten Hailans na i holim wanpela woksop bilong ol fama.



What it means to be Papua New Guinean

“Our home is one of the most unique countries on earth.

We all have a part to play to make PNG the greatest country on earth.”

Let us embrace our shared values as we build the nation we want - together!

© David Kirkland



“PNG... EM MI YAH!”

National Strategy for Responsible Sustainable Development

www.PNGStaRS.org • Department of National Planning and Monitoring

Pait i kirap long Jiwaka

BIKPELA Pait i kirap namel long tupela lain long Piltange long Kudjip, insait long Jiwaka Provins.

Ol polis i go long dispela eria bihain long ol i kilim wanpela man long wiken.

Polis Komanda bilong Jiwaka, Joseph Tondop, i ripot olsem pait i kirap namel long ol Kisu na Neneka i kamap bikpela na ol i kilim Maime Kapa, husat i gat 25 krismas long las wik Sarere nait.

Tondop i tok, ol i painim 6-pela saspek pinis.

Hevi i kamap bikos, ol Kisu na Nenka i save pait long graun bipo yet antap long het bilong wara Kane, Kudjip na Minj long Jiwaka.

Wanpela man bilong Kisu i stat long wokim haus na gaden long dispela graun ol i save pait long en. Dispela i kirapim belhevi long ol

Neneka na ol i go bagarapim ol gaden.

Ol Kisu i pait bek na katim Maime Mista Kapa na em i dai.

Long Sande, pait i kirap we ol i yusim ol gan tru na ol narapela gan ol man i wokim long pait.

“Ol i bagarapim ol liklik gaden na kukim sampela bus haus na tupela lain long Kisu hausman i kisim bagarap na ol i karim i go long Kundiawa haus sik,” Tondop i tok.

Ol i salim polis i go insait long dispela hap long Sande 12 Julai, long bringim bel isi.

Long 10 klok moning long Tunde, Mista Tondop i go paslain wantaim sampela polisman na tokim tupela lain wantaim long lusim ol samting bilong pait na larim ol polis i stretim dispela hevi.

ITI i lukim 300 moa sumatin i greduet

Esther Bralyn Wani i raitim

INTENESENEL Trening Insitut (ITI) i lukim moa long 300 sumatin i pinisim ol diploma na setifiket kos bilong ol long namba 46 greduesen long las wik Fraide.

Dispela greduesen i kamap long Living Light Foursquare sios long Kaugere insait long Pot Mosbi.

Ol i bin askim Gavana bilong Isten Hailans, Julie Soso long go toktok long ol tasol em i no kam long wanem em i gat wanpela bikpela miting wantaim Praim Minista Peter O’Neil.

Reveren Sir Samson Lowa i tokim ol sumatin i pinsim skul olsem, “Long Pasifik Gems ol i winim ol gol tasol tude yupela i winim gol, brons na silva.

“Yupela i no inap sindaun long hia tude, tasol yupela i bungim mak na stended bilong ITI taim ol i givim save long yupela,” Reveren Lowa i tok.

Em i tok yumi gat ol risos i sindaun long hia na ol kampani i wet long kisim ol long wok bikos ol i narapela kain, ol i winim wanpela samting.

Em i salensim ol sumatin i greduet long yusim dispela save ol i kisim

long kamapim mani sapos nau ol i no gat mani long poket.

Bihain lo ol sumatin i go na kisim setifiket bilong ol, ol suamtin long Caritas Teknikel Sekenderi Skul i wokim ol stail danis bilong ol na pulim olgeta manmeri kam insait.

Namel long ol dispela Caritas sumatin wanpela India meri i mekim olgeta lain i opim ai long kain stail danis olsem akrobet we ol bun bilong em i lus stret.

Ol dispela sumatin long Caritas i mekim dispela greduesen i pinis wantaim stail long taim ol sumatin i go kisim setifiket bilong ol.

Strongim disasta menesmen long Pasifik

“Mi holim dispela miting Pasifik Ailan Forum bilong ol Foren.

Minista long gat sans long strongim wok bung bilong mipela long redi na luksave long ol nereserel disasta i kamap long ol rijon bilong mipela wantaim 15 pipel i makim ol Pasifik Ailan,” Minista bilong Foren Afes bilong Australia, Julie Bishop i tok.

Minista Bishop i tok dispela miting, bai promotim pasin bilong bekim toktok hariap na kirapim gut-

pela senis long givim ol saplai na putim mani long ol multi-hasad hap na bai givim tok save hariap.

Em i tok ol laik strongim wanpela pul bilong ol saveman bilong disasta menesmen insait long rijon long helpim long plenim na givim rispons.

“Mipela bai painim ol rot long wok bung wantaim ol praivet sekta insait long disasta menesmen saikel, long kamapim gen ol telekomyunikesen na helpim long

givim kaikai na ol samting, long statim ol maket hariap gen,” Minista Bishop i tok.

Minista Bishop i tok dispela miting i painim ol rot long stretim ol intanesenel bung. Ol Foren Minista i mekim wanpela bikpela wok long go het long intres bilong ol forum memba. Ol i toktok long bung olgeta yia long luksave long bikpela mak bilong rijonal na ol intenesenel hevi we ol Pasifik Ailan i lukim.



Papua Niugini NESENEL AIDENTITI PROJEK



Gutpela bilong yu gat Nesenel ID Kat bilong yu yet



Long Vot

- ▶ Wanpela kat, wanpela vot long taim bilong eleksen; em bai stopim ol dabol vot.
- ▶ Em bai mekim isi, kwiktaim na ino tromoi bikpela mani long stretim Elekorel Rol.
- ▶ Strepela na trupela Elektorel Rol bai min olsem i gat moa wok ples klia na i no gat hait pasin, gutpela gavanens na lidasip i stap.
- ▶ Daunim kos bilong sense (tok save bai kamap long olgeta wan wan yia na i no nap wet inap narapela 10-pela yia long stretim senses).

“Yu mas Rejista nau na stap insait”

Depatman bilong Nesenal Plening i go pas long dispela



Ol meri sumatin bilong lo kism sampela tok stia

FORTI meri sumatin bilong lo i pinisim nau wanpela skul bilong tok stia program wantaim ol Australia loiya, long kism moa save long ol gutpela wei bilong toktok na long no ken pret long toktok pastaim long ol i go insait long wok loiya.

Dispela em i namba wan taim wanpela kain skul bilong tok stia i kamap long Ligal Trening Institut (LTI) long Waigani, NCD. LTI i bin go pas long dispela tupela de kos na ol i bin wok poroman wantaim Victorian Bar wantaim mani helpim i kam long Australia Gavman. Ol dispela 40 meri greduet i kism skul long kain, kain wok bi-

long lo olsem long edvokesi na etiks na ol wanem kain rot i stap long helpim ol long go antap insait long wok bilong ol olsem ol loiya.

I gat ol Papua Niugini meri loiya tu i lainim ol dispela greduet loiya meri wantaim ol lain loiya bilong Victorian Bar.

Long pinis bilong dispela tupela de woksop, Dame Carol Kidu i bin givim sampela gutpela toktok bilong strongim ol sumatin long soim pasin bilong lida wantaim ol wok bilong ol na long wok bung olsem wanpela tim long kamapim senis.

"Ba moale, ba goada' o stap amamas na stap strong," Dame Carol Kidu i tok.

Dairekta bilong LTI, Pauline Mogish, i tok program em i bilong kamapim planti moa meri long lidasip na senia posisen insait long ligal sistem, na tu long pablik sevis na long palamen.

"Judiseri i mas makim maus bilong komyuniti em i wok long helpim. I mas gat wankain namba bilong ol meri na man insait long ligal sistem, na mipela i bilip olsem pasin bilong skelim ol kot bai senis long tingting gut long harim kot bilong ol meri na ol pikinini," Misis Mogish i tok.

Australia Hai Komisin Kaunsela, Michael Sloane i tok Australia i amamas long putim mani bilong sapotim lo

na jastis na tu long strongim ol meri long wok bilong lo.

Long namba tu wik, ol lain loiya man na meri bilong Victorian bar i kam givim tok stia long ol dispela loiya sumatin meri long pinisim wanpela mun kos wantaim PNG Lo Sosaiti long LTI.

Long pinisim dispela kos, ol loiya sumatin bai stap long wanpela muvi piksa we ol bai i ken lukim ol yet i traim long mekim tru ol wok olsem long toktok bilong edvokasi long ol open keis, wei bilong kism nupela stori o evidens bilong keis, ol kwesten we bai mekim man yet i tokaut, kros eksaminesen, pasim sabmisen na givim ol pli.



Ligal Trening Institut wokman na wokmeri wantaim ol sumatin, na ol memba bilong Victorian Bar na Australia Hai Komisin. Sindaun L-R: Victoria Barrister Christine Melis, Australia Hai Komisin Kaunsela Michael Sloane, Ligal Trening Institut Dairekta Pauline Mogish, Victoria Kaunti Kot Jas, Liz Gaynor, na Dame Carol Kidu.

Ol polis ditektiv i skul long nupela seksual ekt lo

OL polis investigea long Momase rijon i lainim ol nupela lo em Nesenel Palamen i tok orait long ol.

Bihain long 6-pela wik, ol bai gat moa save long ol nupela senis bilong ol lo.

Man i go pas long Ditektiv Trening Skul long Bomana, Joe Koi, i givim skul long ol na i tok, wanpela bilong ol dispela ekt i seksual ofens ekt.

"Ol i lainim ol senis i kamap long ol dispela ekt," Koi i tok.

Em i tok, sapos i no gat evidens, ol i ken isi

long painimaut ol vik-tim bilong seksual ofens.

Lo ol i makim i tok, ol lain husat i no aburum 18 krismas i kam aninit long grup bilong ol pikinini.

"Dispela em i bilong ol seksual ofens tasol, long ol narapela pasin i no stret i gat lo bilong em yet," Koi i tok.

Senia Konstabel Terence Yai long Kiunga, Westen Provins i kamap instrakta na Momase Rijonal Trening Opisa Senia Inspekta, Paul Bai, i helpim tupela long dispela kos.

Suprim Kot i tok orait long Micah long go long judisal rivi

SUPRIM Kot disisen long asde, Trinde moning, i tok orait long eplikesen bilong judisal rivi we Keviang Open Memba na Minista bilong Stet Own Entaprias Ben Micah i egensim riferal bilong Ombusman Komisin (OC).

Tripela jas, Jastis Collin Makail, David Cannings na Terence Higgins, i mekim disisen olsem keis bilong em bai go long judisal rivi.

Long Julai 2, Micah i win long narapela suprim kot disisen, long stopim Pablik Pros-

ekuta, Pondros Kaluwin, husat i harim kot bilong riferal bilong OC wantaim foapela aligesen long miskondak long opis.

Jastis Makail i ridim gen ol disisen bilong Nesenel Kot long Me 20, we kot i rausim eplikesen bilong askim bilong stei oda egensim Pablik Prosekuta long Jun 18.

Micah i kism ristrening oda pastaim long em bai go long win long Me 20.

Jastis Makail i tok orait na salim dispela keis i go bek long Nesenel Kot long harim.

Em i givim 7-pela de oda long OC long redim risen bilong riferim Micah na asde em i de wan.

Taim ol i givim liv, Makail i tok, tripela jas i lukim olsem, minista bai resis long dispela keis bikos OC i kism sampela moa infomesen pastaim long ol i riferim em long Mas 9, 2015.

OC i riferim em long miskondak long opis na yusim opis bilong em long slip.

Makail i tok, OC i no givim yet ol risen we loya bilong Micah i askim.



Yut, Meri na Famili
Pastor
Barbara Lunge

Yumi selebretim gutpela pasin bilong God!

EM i taim nau long yumi selebretim gutpela pasin bilong God Papa i soim long yumi ol pipel bilong dispela nesen. Yumi givim tenkyu long lewa bilong yumi long God Papa husat i kamapim yumi na Bikpela Jisas Kraiss husat i man bilong kism bek yumi na i opim dua bilong blesing i kam long yumi nau.

"Dispela man i tok moa olsem, "Na yu mas raitim sampela tok long ensel bilong sios i stap long taun Filadelfia. Dispela tok i olsem, Mi holi tru, na mi as bilong pasin i tru. Mi holim ki bilong Devit, na samting mi opim, i no inap wanpela man i pasim. Na samting mi pasim, i no inap wanpela man i opim. Mi salim dispela tok i kam long yu. Mi save pinis long olgeta pasin yu save mekim. Orait lukim. Long pes bilong yu mi putim dua i op i stap, na i no gat wanpela man inap long pasim. Mi save olsem yu gat liklik strong tasol i stap yet, na yu bin bihainim tok bilong mi, na yu no bin givim baksit long nem bilong mi." (Kamapim Tok Hait 3:7,8)

I gat tupela as long ol dispela blesing i kamap:

Namba wan, ol lain i stap wantaim gutpela pasin, i planim samting wantaim aiwara bai kism bek kaikai bilong aiwara moa na moa yet long spirit na long bodi wantaim. Dispela yia yumi lukim planti samting i kamap gutpela insait long kantri bilong yumi.

Nau taim bilong yumi lukluk i go long 40 yia eniveseri bilong independens bilong kantri bilong yumi na long wankain taim yumi holim Saut Pasifik Gems long kapital siti Pot Mosbi. God i mekim bikpela samting na ol kain developmen yumi no save lukim long bipo nau i kamap insait tasol long tupela yia na yumi lukim kaikai bilong en.

Ol spot man na spot meri bilong yumi long namba wan taim i kism luksave bilong gavman na i gat promis long ol bai kism bikpela mani long taim ol i kism gol, silva na brons medal. Na ol ples bilong pilai i kamap wankain olsem long ol ples yumi lukim long ovasis. Na mani bilong wokim i no kam long ovasis, em i kamap long kantri bilong yumi yet!

Em i soim olsem wanem samting ol pikinini man na pikinini meri bilong em i bin planim wantiam aiwara i kamap pinis na i redi na karim kaikai i mau. PNG i bin karim planti hevi na pen na ol wol i bin lukdaun long kantri bilong yumi long fainens na long lukautim developmen.

Tasol tude yumi ken stap isi na putim bilip bilong yumi go long Tok bilong God na tok tenyu long gavman bilong yumi husat i bosim na lukautim yumi. Buk baibel i tok long Saveman sapta 3 olsem i gat taim bilong olgeta samting i save kamap long taim bilong em yet aninit long heven.

..."Tasol tru tumas ol dispela lain i wok long bagarapim yu, ol yet bai i bagarap. Ol birua bilong yu bai i go kalabus long longwe ples. Na olgeta lain i mekim nogut long yu na stilim ol samting nogut long yu na stilim ol samting bilong, bai ol birua i mekim nogut long ol na stilim ol samting bilong ol. Ol birua bilong yu i save tok olsem, 'Saion i olsem samting nating na i rabis tru. Na i no gat man i save wari lng en.' Tasol mi Bikpela, mi tok olsem. Mi yet bai mi mekim skin bilong yu i orai tgen na mekim sua bilong yu i drai." (Jeremaia 30:16, 17)

Birua i bin stilim ol gutpela samting bilong yumi na bagarapim sindaun bilong yumi longpela taim pinis tasol God bai bringim bek wanem samting ol grasopa i kaikai pinis.

"Kaikai i samting bilong mekim man i amamas, na wain i samting bilong mekim man i belgut. Tasol mani i gutpela samting bilong mekim olgeta kain wok." (Save-man 10:19) olsem na nau yumi wok long lukim ol gutpela samting i wok long lusim han bilong ol narapela lain husat i no lotu long God na i kam bek long ol pikinini bilong en.

129 yia aniveseri bilong Luteran Sios long PNG

Paulus Tali i raitim

HET Bisop bilong Evanjelikel Luteran Sios long PNG (ELC/PNG), Bisop Giegere Wenge i singaut long ol gavman lida long provinsal na nesanel level long sapotim sios bilong ol.

Em i wokim dispela toktok long las wik taim sios i wokim namba 129 aniveseri selebren long Lae, Morobe provins long las wik Sande.

Luteran Sios i wanpela bikpela sios long PNG na i namba tu long Katolik Sios.

Em i tok sios i bin stat long 1886 taim Gutnius bin kamap long hatwok bilong ol.

Em i bin tok nem Evanjelikel Luteran Sios bilong Niugini (ELCONG) i kamap long dispela taim na wanpela misineri em Reveren John Kuder i bin kamap namba wan bisop.

Bisop Kuder em i bin wok bisop inap 17 krismas na sios i ran gut aninit long sapot bilong ol misineri long Jemani, Amerika, Australia na ol arapela.

Bihain senis long makim nupela bisop, ol i bin makim Bisop Zurewe Zurenuoc husat i bilong Kote Distrik.

Em i bringim sios long 1973 i go inap 1976 taim PNG i kisim selp gavman na i go moa.

Rev. Giegere Wenge i tok Luteran Sios i bin karim ol kain hevi tasol prea bilong ol Kristen i mekim na sios i sanap antap long strong na bilip ol manmeri.

Long wankain taim Bisop Wenge i tok Luteran sios i kamapim ol kain program olsem Sosel Developmen, Infrastraksa, Helt Sevis, Edukasi na ol arapela moa.

Sios i gat moa long wan tausen pasto na moa evanjelis i wok nau long fil taim sampela i stap long skul yet.

Long neks yia 2016, bikpela selebren bai kamap long Finsafen long wankain taim Sinod Namba 30 i kamap long en.

Bisop Wenge i tok moa olsem ELCPNG i sanap antap long strong we em i papa long en.

Wan wan distrik bai selebretim de bilong sios long tingim de ol misineri i bin bringim Gutnius i kam long 1886.

Oi 17 distrik bilong ELCPNG i selebretim de bilong sios long 11 na 12 Julai.

Long Lae siti, selebren i bin kamap long Sen Andrew peris long Ampo na tu, i gat kaunsil memba husat i makim wan wan distrik.

Long nau yet, no gat planti misineri insait long sios na sios na pipel yet i sanap strong na sapotim sios i stap.

Projek raiting woksop helpim ol sios woklain

Veronica Hatutasi i raitim

TRENING bai helpim wan wan sios, komyuniti na kantri, Asbisop bilong Pot Mosbi Katolik Asdauiosis, John Ribat i tokim 20 manmeri i bin greduet long wanpela wik trening woksop long Emaus Konprens Senta long Pot Mosbi.

Dispela 20 opisa em ol woklain bilong Katolik Sios na ol i bin kam long olgeta Daiosis long kantri long stap insait long "Projek raiting" woksop klostu long pinis bilong las mun.

Sios na moa yet, ol wan wan daiosis i save gat planti wok na projek long sait bilong edukesen, helt, sosel sevis, ol infrastraksa olsem ol helt na edukesen bilding na long kisim helpim, ol i mas raitim ol projek proposel o ol ripot long kisim helpim i go long gavman, ol

ogenaiesen na ol eid ejensi long kantri yet na ovasis.

Trening woksop i bilong strongim ol lain long mekim wok antap long ol narapela pastorel na sios wok bilong ol.

Insait long greduesen seremoni, Asbisopo Ribat i bin tokim ol lain i bin sindaun long kos olsem sios i save mekim bikpela wok long givim sevis long ol pipel na tu, long helpim kantri long ol wok developmen, na trening ol i kisim i bikpela samting bai helpim ol pipel na kantri.

Em bin tokim ol lain i greduet olsem kantri i wok long lukim planti senis na wantaim ol kain kos, sios i wok long strongim ol wok manmeri bilong em long go insait long ol dispela senis na moa yet, long helt, edukesen, helpim ol yut, ol mama na ol pikinini.

Kruse bilong wok misin

LONG Sande 12 Julai, Pater Clement Daimas SVD i bin kisim kruse bilong wok misin (mission cross) long go wok misineri long Brasil, Saut Amerika. I bin gat bikpela amamas long St Peter Chanel Katolik peris long Erima, NCD we Pater Clement i wok wantaim peris pris Marcinus Bei SVD.

Oi lain ol SVD pater na ol studen long SVD koles long Bomana, i bin kam bung wantaim ol lain bilong St Peter Chanel peris long taim Pater Clement i bin kisim kruse bilong em. Pater Phil Gibbs SVD i bin go pas long dispela lotu na em i bin blesim na givim dispela spesel misin kruse i go long Pater Clement.

Pater Clement i bilong Madang provins. Em i bin kamap pater las yia. Long taim em i wet long go long Brasil, em i wok long helpim peris pris bilong St Peter Chanel long Erima.

SVD provins long PNG i salim ol PNG pater i go wok misineri long ol arapela kantri long wol tude.



Pater Phil Gibbs (raithan) i givim misin kruse i go long Pater Clement.



Yumi inap

NEM bilong em Simon.

Bihain long pinisim skul bilong em long Yunivesiti, em i go mekim wok misin long Afrika. Em i statim wok misin bilong em long wanpela peris i no gat planti samting. (a poor parish).

Long tripela mun, em i go raun raun lukim ples, famili na bungim planti manmeri, pikinini, yangpela na lapun.

Em i lukim planti yangpela manmeri i stap nating long ples. Planti i pinisim praimari skul, na i no go long haikul bikos no gat mani long baim skul fi.

Saimon i tingting planti. Olsem wanem em bai helpim ol long develop.

Em yet i kam long tet wol kantri, papa mama na manmeri long asples bilong em tu i no gat planti samting.

Tasol manmeri long ples bilong em i gat wanpela ogenisesen ol i kolim Credit Union.

Dispela oganisesen i bin helpim planti manmeri na bringim planti senis long laip bilong ol na ol i amamas tru.

Olsem na Saimon i stat long givim skul, mekim wok awenes long ol manmeri long ples misin bilong em bai ol i ken luksave olsem "Oi yet inap" long senisim laip bilong ol.

Credit Union bai i helpim ol long sevim mani.

Sapos ol i dinau long mani, Credit Union bai no inap sasim ol long intres.

Oi i baim bek mama mani tasol long Credit Union sapos ol i bin wokim sampela profit o winmani pinis.

Oi i wokim ol fanresing long kamapim mani bilong sapotim Credit Union bai ol memba i boroim o dinau long statim bisnis bilong sapotim laip bilong ol. Planti manmeri na yangpela bilong ples i wokim misin i amamas na taitim bun long wok bung wantaim long strongim Credit Union, na sapotim na strongim narapela narapela long ples.

Taim Credit Union i kamap, Simon i no lukim manmeri na yangpela i sindaun nating nating long rot o pilai kas, spak na wokim trabel olsem taim em i kamap nupela yet.

Olgeta manmeri i bisi long wokbung long mekim sampela wok bilong strongim narapela narapela.

Oi i mekim wok long gaden o long haus wantaim narapela manmeri bilong ples bilong ol. Simon tu i save stap wantaim ol na wok wantaim ol. Ples i kamap gut nau. Planti yangpela pikinini inap pinisim skul long sekenderi o yunivesiti.

Manmeri i save long wanpela narapela na i gat strongpela laik long helpim narapela narapela. Wok bung i kamap strong moa moa yet. Ples i kamap laip tru.

Gospel Mak 6: 7 - 13 yumi bin ritim long namba 15 Sande bilong yia, i stori long Jisas i salim ol disaipel i go mekim wok, na em i tambuim ol long karim kaikai o narapela samting wantaim ol. Oi i wokabout nating. Tasol ol i gat save i stap insait long tingting bilong ol.

Wantaim save na stretpela tingting i stap wantaim ol, ol i mas mekim wok wantaim manmeri bilong ples long kamapim Kingdom bilong God.

Simon i helpim manmeri i tanim bel na senisim laip bilong ol, na amamas stap wantaim narapela narapela. Long dispela rot, yumi kamapim Kingdom bilong God long graun.

Kingdom bilong God i no kamap long taim yumi indai tasol. Nogat. Em i mas stat long dispela graun. Taim yumi i gat strongpela laik pasin, yumi bai i gat laik long wok bung wantaim narapela. Sapos dispela spirit i stap namel long yumi, AMAS bai i stap. Amamas i stap, mak bilong Kingdom bilong God i stap namel long yumi pinis.

Yumi kolim kantri bilong yumi i paradais kantri. I gat planti samting i stap. Tasol bilong wanem planti manmeri i save hangre insait long paradais kantri?

Bikos i gat strongpela Mi pasin na strongpela pasin bilong sindaun na wetim. Sapos yumi olgeta i givim han long mekim wok, bai i no gat hangre na suffering insait long paradais kantri bilong yumi, PNG.

Sapotim ol konsevesen projek long kantri



GRAUN em i bikpela samting tru long laip bilong yumi ol Papua Niugini. PNG i laki olsem bikpela hap graun tru i stap yet long han bilong ol papagraun. Liklik hap tasol i stap long han bilong gavman na ol praivet bisnis. I tambu long salim kastomeri graun na dispela gutpela lo i helpim long banisim graun bilong ol pipel.

Planti taim yumi banisim graun i stap long mekim bisnis bilong bihain taim. I no gat strongpela tingting bilong givim hap bus graun i go long gavman i was long en na lukautim ol wail enimal na pisin na diwai i gro long en. I gat kain kain ol enimal na pisin na plawa, na binatang, na pis i stap long ol bus na wara long kantri bilong yumi. Planti bilong yumi i tok ol dispela samting i bilas bilong bus na wara bilong yumi. Tasol ol saintis na ol saveman bilong enimal na ol risets lain na ol eko turis i gat bikpela intres long ol dispela samting.

Las mun, ol pipel bilong Baiyer Riva long Westen Hailans i soim gutpela eksampel long ol arapela Papua Niugini pipel long lukim na bihainim. Ol i givim graun bilong ol long kamapim ples bilong lukautim ol wail enimal na ol samting bilong bus. Dispela ples bilong lukim ol wail enimal na pisin bilong bus bai kamapim gen nem bilong Baiyer olsem ples bilong go lukim ol kumul pisin bilong PNG. Bipo, ol ovasis turis i save pulim lain i go long Baiyer Riva long lukim ol naispela kumul na ol arapela wail pisin na enimal.



Baiyer Riva Senktueri i bin gat nem long dispela samting moa long 40 yia i go pinis tasol i no bin gat helpim na luksave i kam long yu long ol pipel bilong Baiyer long wok bung wantaim gavman na

gavman na bihain ol asples tu i no sapotim. Em i pas i stap inap nau we wok i kirap gen na nesenel gavman i proimis long go pas long kirapim gen dispela hap long Baiya Riva na long Kuk, tumbuna ples bilong wok egri-laksa. Ol saintis i tok Kuk i gat namba wan ples bilong stretim ol baret na wokim ol bikpela gaden tru long taim bilong ol tumbuna planti tausien yia i go pinis.

Minista bilong Envairomen na Konsevesen, John Pundari i bin go lukluk raun long Baiyer Riva na em i wari olsem i no gat gutpela luksave long pisin bilong lukim bus graun na wara na ol wail enimal na pisin na ol diwai samting i stap long en. Minista i go long tok tenk

long givim graun bilong ol long opim dispela ples bilong lukautim ol enimal. Em bai givim moa mani long lukautim dispela spesel ples bilong lukautim ol enimal long Baiyer Riva.

Minista i tok ol ovasis envairomen grup olsem Global Envairomen Fan i save givim helpim mani bilong ol konsevesen program long kantri. Tasol em i tok bikpela hap mani i save go long baim ol konsalten na ol NGO grup na i no gat mani bilong mekim tru ol wok bilong konsevesen.

Dipatmen bilong Envairomen bai putim moa mani i go long ol konsevesen projek long ol yia i kam bihain. Dispela promis bilong gavman i gutpela na sapos em i karim kaikai, bai ol pipel bilong ples i ken givim graun bilong ol i go long mekim kain projek olsem. I gat planti salens bai kamap bikos ol toktok bilong graun i save kamapim planti kros na tokpait. Em i nomal bikos olgeta lain i mas wanbel pastaim na pasim tok, nogut bai i gat hevi i kamap long bihain taim.

Ol pipel bilong Baiyeri bihainim ol pipel bilong Morobe na long Wes Sepik tu we ol i was long ol sikau bilong diwai. Dispela em sampela gutpela eksampel ol konsevesen projek. Sapos ol pipel i lukim gavman i putim mani long strongim ol dispela kain projek, bai ol i wanbel na sapotim. Yumi save olsem ol enimal na diwai na pisin long bus graun bilong yumi bai i stap gut sapos yumi tu i lukautim ol.

PNGNID registresen kism pinis 26,000 long NCD

Frieda Sila Kana i raitim



PNGID mobail tim wantaim kodineta Lawrence Doriga na Dika Toua, namba wan meri bilong winim weitlipta gol bilong PNG long Komonwelt Gems i kism poto ausait long hap ol mobail tim rejista ples.

Lawrence Doriga, Kodineta bilong NCD PNGNID projek i bin painim taim long Mande long go wantaim mobail tim long Laurabada bikos long gavman i bin givim holid long NCD long ol sitisen bai go lukim ol gems.

Em i tok pastaim tru ol i bin makim 40 tim tasol long mekim wok inap long wanpela mun tasol nau ol i go i salim 45 moa tim i go aut long olgeta tripela distrik long NCD olsem na em i ting bai ol i go yet long tupela wik moa. Ol i karamapim tupela wik pinis na nau ol i stap long namba tri wik. Mista Doriga i tok, i gat

bikpela tok save i stap we planti harim pinis tasol ol pipel i mas tok save long ol yet long ol i mas go long rejista. Ol pikinini aninit long 18 krismas bai kism setifiket bilong mama karim de na ol bikpela lain stat long 18 krismas i go antap bai kism Nesenel Aidentiti Kat.

I gat 9-pela kodineta bilong olgeta hap zon bilong Nesenel Kapital Distrik we ol i salim ol mobail tim i go. Em long Gerehu-Waigani-Yunivesiti, Gordons-Saraga, Boroko-Korobosea, Kilakila-Kaugere, Taun-Hanuabada, Laloki-Napanapa-Fisherman Ailan, ATS-Laloki na Bomana wantaim Gereka.

Ol pipel husat i pulimapim fom na kism poto na pinga prin bai ken kism ID kat bilong ol long wanpela mun bihain.

Wanpela bos bilong Mobail tim husat i bin stap long Laurabada long Mande, Mista Ronga i tok, ol tim i wok gut tasol ol i laikim moa tok save long go aut bikos planti pipel i no wok long go long ol mobail tim long rejista.

Wantaim ID kat, ol pipel inap long mekim planti samting isi, olsem long votim kenidet bilong ol, kism paspot, go long haus sik, luksave long skul setifiket, kalap long balus na go long ovasis na planti moa samting.

PNG Nesanel Aidentiti Projek i karamapim pinis 26,000 pipel long rejista insait long Nesanel Kapital Distrik.

I gat 85 mobail tim i go aut long tripela ilektoret bilong NCD, na insait long dispela rolaut bilong NCD em 4-pela tim i bin go long Hanuabada, wanpela long Laurabada, nara-pela long Lahara, Eivala na Gabi. Long Laurabada ples planti man, meri na pikinini i bin kamap na pulimapim ol fom bilong stori bilong ol wan wan na long wankain taim ol i kism poto na putim pinga prin bilong ol.

I gat tupela mobail kamera masin long kism poto na pinga prin na sampela woklain bilong PNGNID mobail tim i wok long helpim ol pipel bilong Hanuabada long pulimapim fom bilong ol na bihain ol i go kism poto na pinga prin.

Wanpela bilong ol dispela meri em Naoani Idau, 23 krismas bilong Hanuabada. Em na man bilong em Peter Mase i rejista tasol tupela i no bin save olsem pikinini tu bai ol i rejistaim na ol i no bin putim nem bilong 3 yia bebi bilong tupela long rejista.



Published Weekly, Thursday, for Word Publishing Company, Ltd.

P.O. Box 1982, Boroko, NCD Papua New Guinea

Telephone: (675) 325 2500

Fax: (675) 325 2579

Email: editorial@wantok.com.pg

Websait: www.wantokniuspepa.com

Pe bilong wanpela yia, 52 niuspepa

Ples:	Air:
PNG	K220.00
AUSTRALIA	US\$110.00
ASIA PACIFIC na JAPAN	US\$150.00
AMERICA na EUROPE	US\$210.00

General Manager
Elizabeth Konga

Editor
Veronica Hatutasi

Published at Able Building Complex, Sec 58 Lot 02, Waigani Drive.

Word Publishing Company Limited is owned by the four major churches of Papua New Guinea - Catholic 55%, Lutheran 25%, Anglican 10%, United Church 10%. The company reserves the right to accept or reject any advertisement or other material submitted for publication which it deems contrary to the public interest at its absolute discretion. The publisher's general term acceptance are available at Word Publishing Company Ltd and are set out full on the display advertising form.



TOK PISIN NEWS

from Radio Australia

radioaustralia.net.au

Harim TOK PISIN long
Radio Australia
101.9FM
Port Moresby

Tok Pisin Service

6am - 7am 6080; 7240(KHZ)

7pm - 9pm 5995; 6020; 9710; 1280(KHZ)

Solomon Ailan i amamas long golden gel bilong en

SOLOMON Ailan i amamas long Sharon Firisua i winim gol medal long 5000 mita resis bilong ol meri long Pasifik Gems asde.

ABC Nius ripot i tok Sharon Firisua bilong Solomon Ailan i winim gol long 5000m na tupela meri PNG i kisim silva na brons medal long dispela resis.

Sharon Firisua na narapela yangpela bilong Solomon Ailan, Rosefelo Siosi i bin kam wokim sampela trening wantaim Glenhantly Athletic Club long Melbourne, Australia pastaim long dispela yia.

Sharon i bin win long taim bilong 18 minit, 20.09 seken na i winim Rama Kumilgo na Mary Kua bilong Papua Niugini husat i kam namba 2 na 3.

Sharon husat ibin win long samting olsem 5 mita long fran i tok, em i ken ran kwik moa.

Vanuatu i kisim tingting long ranim 2017 Pasifik Mini Gems

VANUATU bai lukautim Pasifik Mini Gems long yia 2017 na ol opisa bilong en i bin go lukluk long Pasifik Gems long Pot Mosbi long kisim sampela aidia.

ABC Nius ripot i tok CEO bilong 2017 Pasifik Mini Gems, Joe Carlo i tok astingting long raun bilong ol long PNG em long kisim sampela tingting long ranim Mini Gems long Vanuatu.

Mista Carlo i tok em i gut long rijon i serim ol save bilong ranim ol gems - we bai lukim ol liklik kantri tu i ken ranim ol kain kain gems.

Joe Carlo i bin kisim bikpela luksave long International Olympic Committee long ol wok bilong em wantaim Oceania National Olympic Committee na long Vanuatu yet.

Dispela em i Silver Award

Order bilong Olympic we liklik namba bilong pipel long Oceania wantaim tu Australia na New Zealand i bin kisim.

Sampela tim bilong Tonga i kamap bihain

OL las spotman na meri bilong tim Tonga long Pasifik Gems i kam bihain tru long PNG bihain long sampela asua wantaim balus tiket bilong ol.

ABC ripot i tok ol pilaia bilong taekwondo, kriket, netbal, na etletiks i bin kamap long ples balus long kisim balus i go long Pot Mosbi, tasol nem bilong ol i no bin stap long lista bilong go long Gems.

Dispela asua i bin kamapim bikpela belhevi namel long Tosanoc, ol spot pilaia na gavman bilong Tonga husat i bin baim tiket bilong ol na nau ol i kamap pinis long Pot Mosbi.

Minista bilong Spots, Fe'ao Vakatai sutim tok long

ol spot grup long kantri long ol i no bin redi gut long dispela Pasifik Gems.

Ol i bin sutim tok long Tonga Association of Sport and National Olympic olsem ol i bin kamapim dispela hevi long ol pilaia i no bin go kwik long Pasifik Gems. Tasol vais presiden bilong Tonga Association of Sport and National Olympic, Ahongalu Fusimalohi i tok ol spot federesen i no bin baim kwik ol mani bilong ol.

Minista Vakatai i tok Tonga i mas strongim ol wok bilong lukim olsem ol kain kain spot long Tonga i save bihainim ol lo, na tu strongim ol spot long kantri.

Na ol dispela stori i tok olsem ol dispela pilaia i bin kamap long ples balus long Tonga na painim olsem ol i no bin gat tiket, Mista Fusimalohi i tok em i no bin tokim ol tu long go log ples balus.

Mista Fusimalohi i tok tu olsem stori bilong ol i no stret.

Long faopela yia bihain bai, Tonga i lukautim Pasifik Gems, na Spot Minista i tok,

kantri i mas stat nau long stre-tim ol spot long kantri long wanem spot i wok long dai.

Ol Solomon pilaia i mas pilai strong long kantri bilong ol

LIDA bilong Tim Solomon Ailan long Pasifik Gems i tokim ol long ol pilai strong long kantri bilong ol maski sapos ol i win o lus.

ABC Nius ripot i tok Ronald Talasasa i mekim dispela toktok bihain long Solomon Ailan i bin lus pinis long planti spot na namba bilong medal i stap yet long 10 - we i tripela gol, tupela silva na 5-pela brons.

Mista Talasasa i tokim ol spot man na meri olsem ol i mas pilai strong long kantri bilong ol.

Ol spot man na meri bilong Solomon Ailan, i amamas tru long PNG i lukautim Gems long sekyuriti na gutpela poroman pasin bilong ol pipel.

Vanuatu Egrikalsa ICT

OL egrikalsa fama long Vanuatu nau i ken yusim mobail fon na internet long save hariap long ol kain samting olsem prais bilong ol samting em ol i save kamapim.

Howard Aru, dairekta jeneral bilong Ministri bilong Egrikalsa long Vanuatu i tokim ABC Nius olsem ol fama inap kisim infomesen nau bihain long ol i opim nupela opis bilong Infomesen, Komunikesen na Teknolojis long Vanuatu.

Mista Aru i tok, planti fama long Vanuatu i gat ol gutpela samting long salim, tasol ol i no save tingting long kirapim bisnis.

Em i tok olsem na ministri na gavman i laik helpim ol fama long senisim pasin ol i bihainim long mekim ol wok egrikalsa, fiseri na lukautim ol enimal.

Gavman bilong Nu Silan nau i helpim dispela ICT project bilong helpim ol fama long Vanuatu.



Dipatmen bilong Transpot
Opis bilong Seketeri

PABLIK TOK SAVE

Tok save i kam long Dipatmen bilong Transpot i go long ol Pablik Moto Kar Opereta (PMV) na ol pipel i raun insait long Nesenel Kepital Distrik.

Dispela Pablik Tok save i kamap bilong "TOK AUT" long olgeta papa bilong ol PMV bas i save ran insait long Nesenel Kepital Distrik (NCD) long wanpela wansait pasin i wok long kamap long ol pipel husat i wok long raun i go i kam long siti.

I luk olsem, ol papa bilong ol PMV bas i wok long brukim ol lo bilong laisens bilong ol we i stap aninit long Seksen 29 (1) bilong Moto Trefik Ekt na Regulesen Sapta 243. Bihainim Seksen 29 (1) bilong Moto Trefik Ekt na Regulesen Sapta 243, Dipatmen bilong Transpot wantaim wok bilong Nesenel Len Transpot Bot (husat i gat atoriti long givim laisens) i save givimaut PMV laisens long ol opereta long wok long haia na kisim pe long ran long ol rot bilong ol yet insait long NCD.

Em i kamap klia tu olsem i gat pasin bilong brukim ol bilong ranim PMV i go bikpela moa namel long ol papa bilong PMV kampani long ol dispela eria:

Sasim bikpela bas fi ausait long tok orait bilong ol Ol PMV o bas i no save pinisim ran bilong ol long rot ol i makim.

Ran long Haia na kisim mani long ran long rot ino bilong ol.

Kisim pasindia winim namba mak bilong ol bas Stopim ol PMV bas long ol hap i no bilong stop na long Pikap bas i save kamapim hevi long olgeta narapela lain i ranim kar long rot.

Moa luksave i mas go long Hap i bilong ol toktok mipela i

mekim antap bikos long 15 Pasifik Gems 2015 we bai stat long Julai 4, 2015. Bihainim toktok bilong Seksen 21 (2) (a) na (d) bilong Prais Regulesen Ekt Sapta 320, mak bilong fi bilong wanpela PMV ran we Indipenden Konsuma Kompetisen Komisen (ICCC) i tok orait long en olsem i stap long Nesenel Geset No. G34 bilong Trinde Januери 21 2015, i tok K0.90 toea bilong bikpela manmeri. Fi bilong ol sumatin inap long gret 1 em K0.40 toea na fi bilong ol sumatin long gret 11 i go long ol teseri institusien em K0.60 toea wantaim student ID kat.

ICCC i sapotim dispela tok save pepa na hia ol PMV opereta i mas save olsem ol i putim ol yet long trabel bilong kot sapos mipela kisim ripot long ol i wok long sasim bikpela PMV fi long ol pablik. ICCC i laikim ol geta pablik long baim fi long mak mipela kolim long antap na ripot long ol husat PMV laik sasim moa. Dipatmen bilong Transpot em i go pas long ol edministresen lo bilong Moto Trefik Ekt na Regulesen Sapta 243 wantaim ol moto trefik enjensi bilong strongim dispela na ol bai tanim dispela ol sas bilong PMV fi we i stap ausait long mak ICCC i makim na ol narapela trefik lo ol i brukim long taim bilong Pasifik Gems.

Moa long dispela, Dipatmen wantaim ol stekholda bilong en, nau i wok long strongim ol wok bilong en long kamapim moa seif, na gutpela pablik transpot sistem ino dia tumas long taim bilong SP Gems na wankain singaut i go long olgeta pablik manmeri, ol pasindia na ol lain i

raun i go i kam wantaim ol stekholda long wok bung long dispela na ripot long wanem kain pasin ol PMV bas i wok long brukim lo bilong PMV laisens, i go long Seketeri na Suprintenden bilong Moto Trefik. Toktok long wanpela bilong ol dispela opisa;

1. Mista Nelson Lari
Fes Asisten Seketeri – 70306327
2. Mista Maleva Hitolo
Asisten Seketeri (RTIB) – 70319392
3. Mista Herman Wakia
a/Asisten Seketeri (RSTM) – 76400947
4. Indipenden Konsiuma na Kompetisen Komisen (ICCC) – 325 2144 (Het Opis)
Mis Taras Garap
Ligal Opisa (Konsiuma Proteksen Divisen)

Olgeta papa bilong PMV i mas harim tok na bihainim lo bilong PMV Omnibas laisens na sapos ol i no bihainim ol dispela toktok bai ol i sanap long kot na tu bai mipela rausim laisens bilong PMV long ol.

Tok Orait i kam long:

Mista Roy Mumu OBE
Seketeri bilong Transpot na Suprintenden bilong



Ramu NiCo helpim lokal ekonomi wantaim K155 milien long 2014

Ramu NiCo Menesmen (MCC) Limited insait long yia 2014 tasol i givim moa long K155 milien long baim ol guds na sevises insait long PNG.

Ol i tokaut long dispela long Ramu Projek Fes kwata rivi miting we i bin kamap long Madang long Fonde Me 14.

Bisnis Developmen Seksen bilong Ramu NiCo i tokaut olsem kampani i bin peim moa long K155,404.094 olsem mani i go long baim ol samting olsem fiul, oil, ges na ol arapela samting we em moa long K47 milien na namba tu bikpela mani em i peim i go long baim ol nupela kar, plent ikwipmen we kos bilong en em moa long K52 milien.

Ramu NiCo long las yia i givim moa long K30 milien long sapotim wok bilong ol lenona kampani olsem Raibus Limited, we em i givim moa long K2.8 milien, KBK Limited wantaim K121,307.47, Maigari Limited wantaim K137,869, Basamuk Entaprais wantaim K852,918 na ol arapela klen kampani na ol arapela i kisim samting olsem K1 milien.

Inap nau long dispela taim, 40-pela kontrak i bin go aut pinis long ol lenona kampani husat i wok i stap olsem wanpela long Madang, na long tupela wok sait em long KBK Main wantaim 24, Inlen Paiplain wantaim tripela, Kostal Paiplain wantaim tripela na Basamuk wantaim seven-pela bisnis kontrak.

Ripot bilong Bisnis Developmen Opis i soim olsem long 2014 siks-pela kontrak i bin go aut na tu i gat 20-pela long-taim kontrak i stap, na insait long 2015, i bin gat faipela kontrak i bai go aut.

Ramu NiCo Projek em wanpela bikpela projek na invesmen long PNG, nau i stap long Madag provins we

i ken senisim laipstail bilong ol papagraun, Madang provins na ekonomi bilong kantri na tu bringim bisnis wok i kamap long wanem ol eria insait long wok bilong en.

Dispela projek i kamapim planti wok bilong ol lokal lain na tu ol arapela lain long kantri husat i wok long hap taim projek i stat. Ol lenona kampani insait long projek eria tu i kamapim wok we ol helpim wok bisnis na givim wok na sapotim lokal ekonomi.



Ramu NiCo i save kamapim planti medikel sek i go long ol lokel pipol.



Ramu NiCo i yusim ol lokel kampani long kisim fiul igo long KBK Main sait.



Ol papa graun na stekholda husait i benefit long Ramu NiCo Projek.

Tupela mes long KBK Main na Basamuk Rifaineri i save lukim Ramu NiCo givim kontrak i go long NCS-Raibus ketering kampani.



Ramu NiCo Management (MCC) Ltd,
the manager of Ramu NiCo Project is proud to host the 5th
NATIONAL MINING EMERGENCY RESPONSE CHALLENGE
in Madang

Date: August 22-25, 2015
Venue: DWU & PNG Maritime College



An initiative of:
National Apex Mining Safety Council



Under the auspices of:
Mineral Resources Authority

Tupela susa makim gol long pilai tenis

Frieda Sila Kana i raitim

APISAI, Abigail na Masia em tupela susa husat i wok long resis long tim PNG tenis gem.

Long dispela wik tupela susa i bin pilai stat long Mande long Pot Mosbi Racquets Klap na long Wimen Dabol, tupela i winim Samoa

wantaim skoa 6 antap long 1 long set 1 na skoa 6 antap long 0 long set 2.

Marcia 19, na Abigail 23 i bilong Morobe na Sentral provins. Tupela i winim namba wan dabol olsem na tupela i go insait long kwata fainel long Tunde. Em i namba tu taim tupela i bin pilai dabol wantaim, namba

wan taim long Nu Kaledonia Pasifik Gems long 2011.

Marcia i bin winim pinis wanpela resis wantaim Tahiti long dispela wik na Abigail i winim resis wantaim Vanuatu na em tu i go insait long kwata fainel.

Marcia i tok, tingting bilong tupela em long kisim gol long nem bilong PNG!



Marcia na Abigail Apisai bihain long tupela winim namba wan dabol gem long Mande.

Poto: Frieda Sila Kana

Gem bai pinis gut

SIAMAN bilong 2015 Pasifik Gems Polis Sekyuriti Opere-sens ekting Diputi Komisina Edministresen, Jim Andrews, i bilip Papua Niugini bai pinis dispela gem gut we i no gat birua pasin bai kamap.

“Mi save olsem tripela de tasol i stap yet long bungim pinis bilong 2015 Pasifik Gems. Sapot, komitmen na kopresen bilong ol pipel i kamap namba wan tru long taim ol i pilai,” Andrews i tok.

Em i tok tenkyu long olgeta memba bilong Gems Ogenaising Komiti (GOC) long gutpela wok bung na sapot bilong ol.

Andrews i tok, “Gavman i

spendim planti mani long nem bilong 2015 PG we ol planti gutpela senis i kamap long kapital siti. Na tu, em i putim moa mani long amamasim ol pilaia husat i winim medal em i bikipela samting moa.

“Mi tok tenkyu tu long komanda bilong sekuriti opere-sens bilong 2015 Gems, Sif Superintenden David Manning na ol komiti memba long bikipela sapot.

“Mipela i mekim plen pinis long 2013 long was gut long dispela gem. Nau i gat bikipela salens i stap tasol mipela i bin wok strong long opim dispela gem wantaim bel isi na nau yumi gat liklik

taim tasol long gem bai pinis.

“Em i wok bilong ol polis opisa long redim sekuriti na ol pilaia na sapota bilong ol narapela susa kantri, i no ken painim birua pasin na pilai wantaim amamas na tru spirit bilong 2015 Pasifik Gem,” Andrews i tok.

Em i tok tenkyu tu long ol venu komanda na ol memba bilong Royal Papua Niugini Konstabuleri (RPNGC), PNG Difens Fos, Koreksenel Sevis na ol narapela gavman ejensi long taim na komitmen bilong ol.

“Mi gat strongpela tingting long ol visita bai pilai seif na bai go bek,” Andrews i tok.

Guam i winim Gol long basketbal

GUAM i winim gol long tim bilong ol man long basketbal taim em i winim Fiji long 78-61 long PNG Pawa Dome long Sande.

Planti pipel stret i kam long lukim fainel pilai long basketbal namel long ol man long wanem em i wanpela kain pilai we ol i stop long pulim win na ol pipel i laik tru long bihainim.

Fiji i bin pilai gut tru long namba wan kwata taim ol i go pas 17-15 skoa tasol Guam i go pas long namba tu kwata wantaim hap taim skoa olsem 36-26.

Tupela tim wantaim i bin pilai strong long fainel kwata na ol sapota i bin sapot strong na lukluk long taim i

wok long kaunt daun.

Tasol, Guam i winim Fiji wantaim 78-61 taim belo i pairap long ful taim.

Fiji i winim silva na Tahiti i winim brons taim ol i pilai egensim PNG na win 83-73.

Long wankain taim, Fiji i winim gol long tim bilong ol meri, Amerika Samoa i winim silva na Tahiti i winim brons.

PNG i no bin kisim wanpela medal long sait bilong man na meri wantaim, tasol ol i kamap namba foa.



Hilton i toktok long ol pilaia bilong PG

MINISTA na Kansela Gavans, Rodney Hilton, i tok em i sans taim long toktok wantaim ol gutpela pilaia long 24 kantri insait long Pasifik rijon.

“Mi amamas long Papua Niugini Institut ov Pablik Edministresen na PNG Gems Komiti long kisim dispela taim long toktok wantaim ol pilaia,” Hilton i tok.

Australia i pilai namba wan taim long 2015 Pasifik Gems (PG) i soim poroman namel long Australia na ol Pasifik kantri.

Em i tok moa olsem, “Australia i givim gutpela ikonmik developmen sapot long yumi i stap strong, lukautim yumi yet na developim Pasifik rijon. “Australia i stap tu long

strong spot bikos spot i gat planti gutpela samting long apim nem bilong wan wan kantri.”

“Spot i bringim ol pipel bilong Pasifik i kam bung na strongim bel isi long rijon.”

“Na tu, ol lida i bung na lukluk long ol nupela gutpela samting bai kamap long bihain taim,” Mista Hilton i tok.

Amerika bik nem na Australian basket bal pilaia, Cal Bruton, i sanap wantaim Sentral Provins danis lain

OI PNG man i winim bis volibal

Josiah Kana i raitim

Na long fainel raun em olgeta kraut i singaut long taim tupela

tim i holim han na sekhan bihain long ol set i pinis.

TIM PNG ol man i pilai bis volibol wantaim stail na pawa long Sir John Guise Stadium ausait arena na em i mekim ol lain kraut i hat long sindaun isi na ol i singaut na sanap long lek tasol, long aste.

Long moning taim, PNG i pilai resis wantaim Fiji we PNG i winim Fiji wantaim 3 set na Fiji i no winim wantaim set. Bihain long apinun, Tim PNG i kisim Vanuatu we tupela tim i salens gut tru wantaim save na stail bilong pilai.

Pilai resis i paia lait stret na olgeta kraut i singaut long taim tupela tim wantaim i wok long paitim bal i go i kam. Tim Vanuatu i winim namba wan raun tasol bihain ol Tim PNG i skelim dispela strong bilong ol wantok ya na winim namba 2 raun. Nau em i kirapim tingting, husat bai winim namba 3 raun.

Tim PNG winim Vanuatu wantaim 2-pela set na Vanuatu winim wanpela set tasol.



Tupela bis volibol pilai man, Mea na Kilarupa i resis wantaim Tim Fiji long aste moning taim. Long piksa em Mea i kalap long blokim spaik i kam long Tim Fiji na Kilarupa i was i stap.

Wisil em trupela PNG

i kam long bekses

Ol man, meri na pikinini i pulap na kap-sait long long Sir John Guies Stadium long lukim Toea Wisil ran long kantri bilong em. Ol i no wari long bikipela kol nait na i weit longpela aua na lukim pikinini meri bilong Jiwaka i ran olsem masin na winim gol medal.

Wisil i ran long 11.86 seken na winim Younis Base bilong Fiji long 12.27 seken na Sisilia Seavuale bilong Fiji kisim brons 12.57.

Em i namba wan taim Toea i ran long ai bilong ol PNG we ol i save sapotim long TV na niuspepa moa long 10-pela yia.

Toea bihain long winim resis i raunim fil wantaim PNG plak long soim amamas long ol pipel bilong kantri long sapot bilong ol.

Taim EMTV i askim em long mekim sampela toktok, Toea i soim tru PNG stail na i tok em laik toktok long ol pipel bilong PNG long Tok Pisin. Em i tok amamas long mama bilong em i kam daun long Jiwaka long lukim resis bilong em na

brata bilong em Kupun. Kupun Wisil kisim brons long 100 mita fainel.

Toea i tok Papa God em bosim olgeta samting na tok tenkyu long bikman antap long olgeta blesing.

Planti tausen man, meri na pikinini i go long haus wantaim gutpela bel na amamas taim ol i lukim Toea ran long ai bilong ol na winim gol medal.

Long wankaintaim Fiji i kam strong long etletik na winim 7-pela silva na 6-pela brons. Na Ratu Banuwe i winim gol long 100 mita fainel bilong ol man..

Ol arapela winim medal long dispela nait em PNG Dona Koniel i winim gol long 800 mita resis bilong ol meri na Kaminel Mathlaun winim long divisen bilong ol man. Na Rellie Kaputin i winim gol long hai jam bilong ol meri.

Fainal bilong hap marathon bai kamap long Sarere 18 Julai wantaim hoki, bis volibol, netball, volibol, taekwondo, loun bols, boxksen na golp na gof.

Golden gel bilong PNG rejista wantaim PNGNID

Frieda Sila Kana i raitim

DIKA Toua, 'golden gel' bilong PNG i rejista wantaim PNG Nesenek Aidentiti program long dispela wik, long ples bilong em yet , Hanuabada, insait long banis bilong Laurabada Yunaitet Sios.

Oi opisa bilong PNGNID i tok, Mis Toua i bisi stret long wok bilong Pasifik Gems olsem na i no bin isi long bringim em i kam long rejista, tasol ol i bin amamas long em i kamap long 2 klok apinun long Mande na rejista.

Mis Toua i bin kamap long rejista wantaim patna bilong em na liklik pikinini gel bilong em husat i gat 3-pela yia. Em i tok, dispela samting gavman i wokim long rejista long olgeta sitisen em i gutpela samting bikos em i givim luksave long ol pipel husat i save stap tasol long ples na i no gat luksave long ol.

"Mi amamas long kantri bilong mi, long wanem samting em i wokim long ol sitisen. Hanuabada pipel i laki tru long ol tim i kam long ples bilong ol stret long rejista long ol. Em bilong gutpela bilong ol yet!" Mista Toua i tok.

"Tenkyu PNGNID long kam long ples bilong mipela." Em i tok.

"Mi amamas long rejista tru nau bikos olgeta taim mi save raun i stap long ovasis na mi no save putim vot bilong mi. Nau mi bai inap long putim vot bilong mi na tu ol pipel bai gat luksave long mi husat, maski wanem hap mi go," Mis Toua i tok.

Mis Toua i gat tupela pikinini, boi em i gat 9-pela krismas na gel em i gat tripela krismas. Em i marit

long kastom tasol i no marit long rejistri yet. Em i tok, pilai samting em i wokim nau na tu long rejista em i wokim bilong kamapim gutpela sindaun bilong ol pikinini bilong em long bihain taim bilong ol.

"Mi bin stap long viles laip tasol taim mi liklik na kam na mi no gat ol gutpela sans long kamapim gutpela kain sindaun olsem na ol dispela gem nau mi wokim em na kisim bikpela nem long kantri em long gutpela bilong ol pikinini bilong mi long bihain. Ol i ken gat sampela luksave long nem bilong mi ol i ken go long gutpela skul na kisim gutpela edukesen," em i tok.

Mis Toua i bin pinisim skul long gret 10 tasol na em i kisim skolasip bilong go trening moa long ovasis. Em i bin ting ol bai helpim em long pinisim skul bilong em i go long gret 11 na 12 tasol no gat. Program bilong ol i no bin gat taim bilong skul na em i no pinisim skul bilong em.

Mis Toua i tok, em na ol narapela etlit bilong kantri i no bin save kisim wanpela helpim long gavman tasol ol i save traim strong bilong ol long painim rot long apim nem bilong kantri. Luksave long sapot bilong Dika Toua i save kam long Trukai Indastri tasol olsem namba wan sponsa bilong em. Long dispela em i save yusim long lukautim ol famili bilong em.

Olsem na em i tok tenkyu long gavman long luksave ol i bin givim long taim em i bin winim gol, long Komonwelt Gems wantaim K100,000 tasol long kaikai na ol stap bilong ol long wan wan de em ol yet i save hatwok long painim mani.

"Mipela i amamas long ol

skolasip long trening tasol long wan wan de sindaun em mipela i save taitim bun long sampela kain rot. Na dispela pasin gavman i mekim long givim K20,000 long ol gol wina na K10,000 long silva na K5,000 long gol em i gutpela luksave, na mi tenkyu tru long gavman," em i tok.

Dika Toua em i Asisten Kosa bilong Oceania Weitlipta Institut aninit long Kosa, Paul Coffa husat em i Seketeri Jeneral tu bilong Oceania na Komonwelt Weitlipting Seketeriet.

Dika Toua wantaim susa bilong em Thelma Toua, husat i bin kisim namba wan gol bilong PNG Weitlipta long las wik, i stap long Oceania Weitlipta Institut trening tim famili nau long Nu Kaledonia we ol i save stap na trening long redi long Olympic Gems.

Thelma i go bek pinis long Nu Kaledonia bihain long em i kisim gol medal. Ol famili bilong em i bin redim wanpela bikpela welkam seremoni tasol em i no bin go bek long ples na ol trena i salim em i go bek pinis long Nu Kaledonia.

Dika i stap yet bikos em i stap long Olympic Komiti.

Na long mekim kliia tingting bilong ol sapota, Dika i tok, "Ating planti sapota i tingting planti taim ol i lukim mi wok long helpim ol weitlipta bilong narapela kantri long taim ol i pilai resis wantaim PNG. Em bikos mi save helpim lida kosa na Dairekta, Paul Koffa long Oceania Weitlipting Institut. Mipela save stap trening wantaim tasol nau mipela kam wantaim long hia na pilai resis na bai mipela go bek gen wantaim," Mis Toua i tok.



Poto antap: Dika Toua putim pinga prin long Mobail NID masin long Laurabada Yunaitet Sios long Hanuabada long dispela wik.

Poto aninit: Dika Toua sindaun long pulumapim fom bilong stori bilong em long kisim PNGNID kat, na patna bilong em long baksait tu i pulumapim fom bilong em yet.

Oi poto: Frieda Sila Kana.



Medol Tali long 2015 Pasifik Gems-Pot Mosbi-PNG



Mak	Kantri	Gol	Silva	Brons	Total
1	Papua New Guinea	50	40	38	128
2	New Caledonia	44	37	35	116
3	Fiji	25	33	26	84
4	Tahiti	29	24	24	77
5	Samoa	16	20	5	41
6	Australia	8	16	10	34
7	Cook Islands	4	4	12	20
8	Solomon Islands	5	3	10	18
9	Nauru	7	7	3	17
10	New Zealand	0	4	9	13
11	Tonga	6	0	6	12
	Vanuatu	1	5	6	12
12	Guam	3	3	5	11
13	Kiribati	3	1	2	6
	Norfolk Island	1	3	2	6
14	American Samoa	1	1	3	5
	Wallis and Futuna	0	0	5	5
15	Marshall Islands	0	0	4	4
16	Federated States of Micronesia	2	1	0	3
	Tuvalu	1	0	2	3
17	Niue	0	1	2	2
	Palau	0	1	2	2
Nogat	Northern Mariana Islands	0	0	0	0
Nogat	Tokelau	0	0	0	0

Bodi bilding kisim 5 gol medal PNG i winim gol long Ragbi 9s



Pasifik sempion Jack Viufa winim taitol bilong 75 kilogram.
Foto: Nicky Bernard

Stanley Nondol i raitim

OL masol man bilong Papua Niugini i winim 5-pela gol medal bilong kantri, em i moa long ol arapela Pasifik kantri husat i resis. Tasol Tonga i kam strong long ol bikpela divisen na winim 3-pela gol long Mande nait long Karitas Sekenderi Skul, Pot Mosbi.

Pasifik sempian, Jack Viefu i winim gol long 75 kilogram na pastaim PNG Kumul fowat Michael Mondo winim Silva long 100 kilogram. Mark Donal i kisim gol long 65 kilogram, Selen Jim i autim Solomon Ailan long 70 kilogram na winim gol. Steven Bomal i winim gol long 80 kilogram divisen.

Pastaim Kumul fowot

Michal Monda i pilai long namba wan taim long bikpela gem. Na i lukluk long winim gol long ol arapela pilai long bihain taim.

PNG winim 3-silva na wanpela brons na apim total gol medal bilong kantri i go antap long 33 long Mande, 4-pela gol moa long Nu Kaledonia husat i winim 29 gol.

Long resis bilong ol meri long 55 kilogram Ursula Martin bilong American Samoa i daunim sempion PNG meri bilong Pasifik, Misa Avefa.

Tim Tonga i kam strong long bikpela divisen bilong ol man na winim gol long 90 kilogram, ova o moa long 90 kilogram na supavehi weit 100 kilogram.

Planti ol PNG sapota bi-

long bodi bilding i no amamas taim biknem Donal Kawi i kam namba tri ples wantaim brons medal long 90 kilogram.

PNG Bodi bilong Tim Menesa na pastaim Mista PNG sempion i tok PNG i winim moa gol long 2015 Pasifik Gems abrusim mak ol i winim 2011 Pasifik Gems long Nu Kaledonia. Em i tok bikpela amamas long ol spona long sapotim ol pilai manmeri.

Long dispela pilai bilong bodi bilding i lukim planti ol pailai man na meri em ol i kam long PNG gasruts gem. Planti ol PNG gol, silva na brons medal wina bipo olsem David Mugereng, Lucas Wemain, na Johnny Glen i no bin pilai.

Esther Bralyn Wani i raitim

PAPUA Niugini i winim gol long poin 38-10 poin taim ol i pilai wantaim Samoa long tupela de long Sarere na Sande long wiken.

Huka bilong PNG Ragbi Tim, Wartovo Puaru Junior i mekim ol sapota i singaut na

kalap long Benk Saut Pasifik (BSP) Stadium.

Long taim bilong tok welkam long ol PNG 9s tim, kepten bilong ol, Israel Eliab, i bin tok olsem ol i no wari o gat tupela tingting long pilai wantaim ol narapela tim long wanem em i bilip olsem ol bai winim ol nating tru.

Tasol, kepten Eliab i tok ol i wari long Samoa na Fiji.

Dispela toktok bilong em i bin kamap tru long wanem ol Samoa na Fiji i pilai strong tu.

Tasol, Tonga i bin rausim Fiji wantaim 16-14 skoa we i lukim Tonga i kisim brons na Samoa i kisim silva taim em i pilai egensim PNG wantaim 38-10 ful taim skoa.

Sir John Guise stadium i bin pulap tru long ol sapota i bin kam long lukim na sapotim nesenel tim bilong kantri.



Kuk Ailan kisim V1 meri Va'a resis gol

VA'A o kanu resis i wanpela pilai we i bin pulim planti pablik long lukim.

Oi Tahiti em ol wol sempion bilong dispela pilai, tasol long nau Pasifik Gems, ol narapela kantri tu i soim olsem ol tu i wok long kamap nau long dispela pilai resis bilong ol nambis na ailan lain.

Las wik Fonde i bin lukim meri Kuk Ailan i winim V1 10 kilomita resis bilong ol meri na kisim namba wan gol long dispela pilai bilong Kuk Ailan.

Serena Hunter i gat 43 krismas na i mama bilong 4-pela pikinini i bin soim strong bilong em long kamap namba wan long 10 kilomita resis i stat long Ela Bis i go

olsem long Manubada Ailan na kam bek.

Meri Tahiti i bin kamap namba tu na winim silva taim meri Wallis na Futuna i kamap namba tri na kisim brons medol.

Serena i stap long dispela pilai long 10-opela krismas nau.

Wanem samting i mekim dispela mama i pas na strong yet long dispela Va'a pilai?

"Mi laki olsem mi gat

bikpela famili sapot we i givim mi spes na taim bilong wokim trening.

Tasol nau mi amamas long kisim namba wan gol long Va'a bilong Kuk Ailan.

Mi tren hat long wanpela yia long dispela resis we i karim gutpela kaikai nau, Serena i tok.

Va'a em i wanpela pilai bilong ol tumbuna long ol liklik ailan kantri long Pasifik na tumora bai mi stap insait

long resis wantaim V6 tim," Serena i tok.

Long tripela wik i kam, Serena bai go long Molokai long Hawai'i na resis long 5 kilomita solo resis bilong ol meri.

NAMBA WAN VA'A GOL BILONG KUK AILAN: Chrissy Thomas na Danielle Cochran i amamas long wantok bilong ol, winameri (namel) Serena Hunter taim em i winim V1 10 kilomita Va'a resis long Ela Bis, Pot Mosbi na ol i sanap wantaim em long Wantok i kisim poto bilog ol. Foto: Veronica Hatutasi



Samoa i winim gol egensim ol PNG meri long kriket

KRIKET tim bilong ol Samoa meri i winim gol long 2015 Pasifik Gems long las wik Sarere.

Taim ol i winim Vanuatu insait long semi-fainel long moning, boula bilong Samoa i pasim PNG long hatpela taim long win long tripela ran.

Long ai bilong olgeta manmeri, ol PNG Lewas i go pas hariap tru wantaim Samoa 3/20 bipo long kepten Regina Lili'i na Faela Pula i bungim ol inings bai kamap wankain.

Oi regula wiket i pundaun yet wantaim Samoa na i hariap tru mekim 103 ov long 20 ovas bilong ol. Lili'i i bin skoim planti wantaim 30 taim Tanya Ruma i skoim 3/11 bilong PNG.

Bihain na ran bilong PNG i bin stat strong wantaim ol opena Norma Ovasuru na Varoi Morea i go het long putim gutpela mak long 37 bilong opening wiket. Tasol taim Morea i lusim, dispela i daunim i kam daun olsem 5/21 na i lukim bikpela strong i go long Samoa.

Long 23 ov 28 bals bilong Tanya Ruma i klostu lukim PNG Lewas pinis bipo ol i sot long hom tef. Marita Paulo i kisim 4-pela wiket long pinis wantaim 4/23.

Dispela i bin namba wan win bilong Samoa egensim PNG Lewas na i soim klia long pes bilong tim Samoa long taim ol i win ai wara i pundaun long pes bilong planti pilaia.

Oi Samoa i winim gol, PNG i winim silva na Fiji i winim brons.

Specials from the 1st July to 31st August 2015

SECTORS	ONE WAY INCL TAXES	RETURN INCL TAXES
Daru - Port Moresby	585.41	1,123.08
Kiunga - Port Moresby	775.81	1,481.48
Lihir - Port Moresby	899.11	1,716.28
Losuia - Port Moresby	633.46	1,212.36
Mendi - Port Moresby	668.71	1,279.88
Popondetta - Port Moresby	346.56	673.48
Tari - Port Moresby	887.16	1,691.08
Wapenamanda - Port Moresby	606.66	1,163.08
Tabubil - Port Moresby	880.56	1,677.48
Kiunga - Mt Hagen	692.51	1,324.68
Lihir - Rabaul	316.86	620.28
Mt Hagen - Lae	502.11	966.28
Rabaul - Hoskins	370.21	721.88

* Taxes included



Reservations - Toll Free: 1805465

Email: sales.linkpng@airniugini.com.pg

Find us on Facebook: www.facebook.com/linkpng



- 1**
- 1 Praim Minista Peter O'Neil i givim gol medol long kepten bilong PNG 9S tim.
 - 2 Ol PNG meri soka tim. Ol bai pilai long gol medol long Fonde wantaim Nu Kaledonia.
 - 3 Tim PNG 9s amamas wantaim gol bilong ol.
 - 4 Pawa meri bilong PNG i hapim ain.
 - 5 Bodibil man bilong PNG. Em i winim wangepela gol medol bilong PNG.



- 7**
- 6 Samoa soka tim bilong ol meri
 - 7 PNG Ragbi 7s tim bilong ol meri sanap wantaim Gavana Parkop na Graham Osborne taim ol winim brons medol.
 - 8 Ol Tonga Ragbi 9s tim i mekim woa kraik bilong ol bihain long ol winim Fiji long kisim brons medol.
 - 9 Tim Australia ragbi 7s i kisim poto taim ol winim silva medol long pilai bilong ol meri.



Port Moresby to LOSUIA
 Buy one Y class POM to Losuia and pay for the next 3 at **15% DISCOUNT!**
 You also get a **27% discount** on rooms at Lokuia Lodge which includes meals.



www.facebook.com/linkpng

Where would you rather be?

Offer ends July 31st, 2015



*TERMS & CONDITIONS APPLY
 Book online at www.airniugini.com.pg

Call Toll Free: **180 5465** or email: sales.linkpng@airniugini.com.pg / tours@airniugini.com.pg



IMPROVED TASTE! Niupela teist wantaim planti mit na oil. Teistim na bai yu laikim moa yet.

DIANA

Tuna



Emi tuna
bilong PNG

PROUDLY
PNG
MADE

Manufactured by



RD Tuna Canners Ltd.

Moa mit na
oil insait



TUNA IN OIL

Wisil em trupela PNG



Stanley Nondol i raitim

PAPUA Niugini sprin kwin Toea Wisil i soim pawa na kala tru bilong PNG long moa long 15,000 sapota na ronawe wantaim gol medal long 100 mita sprin na winim sempion bilong Fiji, Younis Base long Sir John Guies Stedium long Tunde nait.

...lukim moa long pes 24

Toea Wisil wantaim brata bilong em Kupun bihain long 100 mita fainal resis bilong man na meri. Toea i winim gol na Kupun i kisim brons.



PORT MORESBY 2015
XV PACIFIC GAMES
PAPUA NEW GUINEA

Toea i kam pas na Fiji, Younis Base i bihainim em. OI Poto Nicky Bernard

50 years
1965 - 2015
BOROKO MOTORS

PMV

DIESEL OIL

PMV OIL BILONG YUMI

BOROKO MOTORS

PORT MORESBY	325 5255
LAE	472 1144
MT HAGEN	542 1933
TABUBIL	649 9048
KIMBE	983 5035
MADANG	422 2659
KOKOPO	982 8193
GOROKA	532 3552

Email: info@borokomotors.com.pg
Website: www.borokomotors.com.pg